


4174-990

香山二冊
卷一
卷二
卷三
卷四
卷五
卷六
卷七
卷八
卷九
卷十
卷十一
卷十二
卷十三
卷十四
卷十五
卷十六
卷十七
卷十八
卷十九
卷二十
卷二十一
卷二十二
卷二十三
卷二十四
卷二十五
卷二十六
卷二十七
卷二十八
卷二十九
卷三十
卷三十一
卷三十二
卷三十三
卷三十四
卷三十五
卷三十六
卷三十七
卷三十八
卷三十九
卷四十
卷四十一
卷四十二
卷四十三
卷四十四
卷四十五
卷四十六
卷四十七
卷四十八
卷四十九
卷五十
卷五十一
卷五十二
卷五十三
卷五十四
卷五十五
卷五十六
卷五十七
卷五十八
卷五十九
卷六十
卷六十一
卷六十二
卷六十三
卷六十四
卷六十五
卷六十六
卷六十七
卷六十八
卷六十九
卷七十
卷七十一
卷七十二
卷七十三
卷七十四
卷七十五
卷七十六
卷七十七
卷七十八
卷七十九
卷八十
卷八十一
卷八十二
卷八十三
卷八十四
卷八十五
卷八十六
卷八十七
卷八十八
卷八十九
卷九十
卷九十一
卷九十二
卷九十三
卷九十四
卷九十五
卷九十六
卷九十七
卷九十八
卷九十九
卷一百



B 64893

C40
4514



C40-4514

丁翁上卷訪大藏及有
家書置武州雲山
我徵矣院后府中永
為學者不敢許出院內
當山三世鐵牛換謹誌



B 64853

大方廣佛華嚴經疏鈔卷第二十四之五

于闐國三歲沙門實叉難陀

譯

清涼山大華嚴寺沙門澄觀撰述

佛子。此菩薩以大悲為首。廣大志樂。無能沮壞。轉更勤脩一切善根。而得成就。

疏自下大文第三佛子此菩薩以大悲下安住地分中三初總明安住。二所謂下。別顯安住。三佛子菩薩以成就下。總結安住。今初文有三句。一大悲為首。是安住因。菩薩所行。皆為衆生悲為行本。故言為首。二廣大志樂。無能沮壞。是安住觀。論云。

支那

華嚴疏鈔卷三十四

十一

B 64853

煩惱小乘不能壞此觀故謂契理深心爲大故煩惱不能壞悲化兼物爲廣故小乘不能壞也三轉更勤修一切善根而得成就是安住行此望初句是智導悲望第二句是行填願此所修善卽下三十句顯示。

所謂信增上故多淨信故解清淨故信決定故發生悲愍故成就大慈故心無疲懈故慚愧莊嚴故成就柔和敬順尊重咨佛教法故。

疏第二別顯安住卽顯前第二勤修善根云何勤修此有三十句顯三種成就一信心成就一修行

成就三廻向成就信爲行始次依信起行後廻行成德以爲行修次第今初信心十句初總餘別總云信增上者隨所有事謂下所列諦寶等境深信決定名爲增上鈔謂下所列等者諦卽實事理寶卽三寶等等取世出世善之功能皆所信境疏別中有九初六始起信心後三信增成欲鈔信增成欲欲卽信果

疏前中初二自利後四利他自利中一敬信增上謂徧信三寶名多淨信二淨信增上自證真淨智解故上二皆云清淨是信之性三決定信增上分

別令他證淨智故。卽利他之行。四悲。五慈。六無疲厭。此三增上。皆利他心。慈悲明心大。無厭明心常。鈔一敬信卽於德信也。二淨信卽於實信也。離疑濁故名淨。卽經解清淨句。上二皆云等者。上皆唯識。並如前句引。三決定信增上。卽經信決定故。今取經爲名。準論云。以信分別故。便名分別信增上。今他證淨智故。故今疏以分別字爲其釋文。此三增上下。通釋。然今經云。發起悲愍。論經云。起悲愍心。論釋云。起者轉復現。前謂地前修習。入地卽現。今在地中。云轉復現。

疏後三中。七慚愧信增上。是所成行體。謂有慚愧故。治慳等蔽。不著世間。成檀等度故。入柔和信增上。是得等侶。於同法者。不惱亂故。九敬法信增上。於所入法益敬信故。鈔七慚愧者。論云。樂修何等行。波羅蜜行故。以崇重賢善爲慚。故成檀等諸度。輕拒暴惡爲愧。故治於慳等諸蔽。輕拒暴惡。卽不著世間。無惡有善。故曰莊嚴。故遺教經云。以慚愧服而自莊嚴。是得等侶。亦卽行緣。論云。僧爲等侶。同事安樂。九敬法者。卽行所依。論云。入何法中。謂諸佛教。則亦行所詣。是所入故。

日夜修習善根無厭足故。親近善知識故。常愛樂法故。求多聞無厭足故。如所聞法正觀察故。心無依著故。不耽著利養名聞恭敬故。不求一切資生之物故。生如寶心無厭足故。

疏第二日夜下。修行成就中九句。初總。餘別。總云無厭足者。卽無間修。別有八集。前七教行後一證行。前中初二攝法方便。一親近集。近善友意在不忘諸法故。二樂法集。於問答中論義解釋。心喜樂故。鈔第二日夜修中有二。先依論釋。一親近集。又是求法方便。二正聞法時。直咨爲問。直酬爲

答。設難爲論義。通難爲解釋。

疏後五句次第修行。於中前三。內觀順理之行。一多聞集。斯卽聞慧。二正觀集。卽是思慧。三不著集。卽是修慧。於三昧中。無依著故。後二隨緣離著。行謂六不貪集。是知足行。已得不貪故。七不求集。是少欲行。未得不求故。一鈔後五句次第。五句卽爲次第。又先明內觀。後辨隨緣。亦是次第。

疏八如寶心集。卽證行圓明。常現前故。又難得無垢勢力。莊嚴殊勝不改。證心同此。具六義故。上依論釋竟。鈔又難得下。舉世寶六義。顯證法六義。

一地前所無故云難得。二已斷分別故云無垢。三能爲二利故云勢力。四能嚴法身故曰莊嚴。五等同法界故云殊勝。六一得不失故云不改。亦與六決定義同。

△疏其第六七集更有一理。謂第六心是遠離修。修對治心離三過。故諸說法者有三種過。一著利養。求四事故。少欲知足則能治之。二取名聞。爲勝他故。正念定慧則能治之。三爲他屬。過憂敬事故。遠離精進則能治之。此中能治卽大人覺。其第七句是觀過。修八種不淨。是謂資生。一切不求。見不淨

故。此比論釋。通局有殊。鈔此中能治者。文中具有。但遠離一種攝於二事。一攝寂靜。二攝無戲論。此二俱治不遠離故。言入覺者。一少欲。二知足。三寂靜。四精進。五正意。卽正念是六正定。七正慧。八無戲論。八種不淨者。卽涅槃第六邪正品經文。廣列而不分數。若按善生優婆塞經具列。一畜田宅。二種植根栽。三貯聚穀粟。居店求利。四畜奴婢人。民。五畜眷屬羣畜。六畜金銀財寶。七畜象牙金銀。刺鏤諸寶大牀。綿褥氍毹。八畜銅鐵釜鏊。求一切智地故。求如來力無畏不共佛法故。求諸波

羅蜜助道法故。離諸諛誑故。如說能行故。常護實語故。不汙如來家故。不捨菩薩戒故。生一切智心。如山王不動故。不捨一切世間事成。就出世間道故。集助菩提分法。無厭足故。常求上上殊勝道故。

疏第三求一切智下。迴向成就。謂求一切智是迴向菩提。有十二句。初總餘別總。卽所求之事。名之爲家。一切智地是求處故。鈔總卽所求之事者。論有十一句。初總餘別。若隨行要分別。乃爲三節。一求一切智地是家。二求力無畏不共法爲依家。三餘句明無障求。故論別列十一求。竟總云。於中

求何等事。求一切智地故。以何觀求。觀諸佛力無畏不共法故。云何求。求諸波羅蜜無著法故。此三求者是家。依家無障求故。釋曰。今疏別摘配釋。並不違論。故今總句。卽是家也。言總卽所求之事者。此中正明求佛故。一切智卽所求等事。故論上云。求何等事。名之爲家者。卽上論此三求中。是家家是三中之一。此卽以事爲家。從一切智地是求處者。以經釋論爲家之言處。卽家故。疏別卽能求之因。有十一求。初一顯能求之觀。名爲依家。於前家中。分別觀察。具足十力無畏等。

故。鈔別即能求之因者。從總開出。皆明求義。雖有三節。後二皆因。因中分二。初一爲觀。卽論云。以何觀求名爲依家者。卽前論三求中。依家二字。於前家中下。疏釋觀義。其十力無畏。卽一切智地。依彼成觀。故名依家。

疏餘十能求之行。并總都有三求。於求行中。又分總別。總名無障求。謂求諸度無著法。故能除蔽障。鈔餘十能求之者。卽上論云。云何求。卽三求中。無障求也。皆治蔽障故。

疏下九句別。別治諸障故。初二對治檀中二垢。一

者離求。治於誦曲。見乞求者。詐現方便。一向無心與故。

疏二如說能行求。治不隨先言。許而不與。或許多勝與少劣故。又前是誦後則是妄。鈔或許多勝等者。兼上有三。二許不與。二許多與少。三許勝與劣。

疏三者護求。治戒一垢。謂不護實語。違本所受。犯已覆藏故。

疏四不汙求。治恣一垢。謂惱亂他業。是汙如來利益家故。

疏五不捨求。治進一垢。謂菩薩戒法無量。不可具持。劫數長遠。不可常持。戒法精妙。難持難行。不可善持。生退轉心。今不捨菩薩戒。具能持之。不捨律儀。故能持難持。不捨三聚。能行難行也。進策萬行。而偏就戒辨者。有三義故。一戒爲三學之首故。二戒具三聚故。三戒通事理。難行易敗。故寄以策之。鈔五不捨求中二。先釋文。戒法無量者。戒有三。第一千威儀。八萬細行。故劫數長遠者。一受不捨。至成佛故。戒法精妙者。防於意地起心動念。卽毀犯律儀。論於止作。故說爲持。三聚進善利生。故云

行也。後進策下。釋通妨難。難行易敗者。不同定慧證法之樂。堅固難失。

疏六不動求。治禪二垢。一者亂心外攀。如山治之。二者不能調伏憶想分別。一切智心治之。

疏下之三句。治般若三垢。卽三道障。謂七不捨成。就求。治障不住道。垢謂無善巧方便。一向涅槃。現不捨世間治之。一向世間現。成就出世治之。異於凡小成不住道。

疏八者集求。治障助道垢。

疏九者常求。治障證道垢。於上勝妙證法之中。

願欲心薄故上來迴向成就竟。
佛子。菩薩成就如是淨治地法。名爲安住菩薩歡喜地。

疏第三總結者。上三十句。廣勤行具足成就。此勤行有四。一信。二欲。三精進。四方便信。謂忍受決定。欲。謂希求趣彼行故。初十句中。前七是信。後三是欲。次十是精進。對行造修。後十是方便。行成巧求。故是名此地。說分中安住。故云成就。如是淨治地。法名爲安住。鈔後二是欲者。故上文云後三信。增成欲。次十是精進者。即修行成就。後十是方便。

者。即迴向成就。能以少善成無量果。故云方便亦不滯寂故。

○疏上依論辨。更有別理。上多淨信。已能永斷闍提不信障。發生悲愍。尊重教法等。亦能永斷凡夫著我障。日夜勤修。無有疲倦。又能永斷聲聞畏苦障。求一切智。乃至常求上上勝道。亦能永斷緣覺捨悲心障。故云淨治地法。鈔上依論辨下。更示別理。離四障故。亦是攝論第六斷除四處障也。而有開合。後二即彼第一離。二乘作意。初一即第二諸疑。二即彼第三離聞慧。我我所執。兼第四斷除分。

別緣法。

疏安住地分竟。

○疏大文第四校量勝分。謂住此地中勝二乘故。論主既云。住此地中勝者。明知願等初住地分已有。但文不累安。故居安住之後。非是地滿方有願也。鈔謂住此地下。文前有二。先釋總名兼彰分齊通一地故。

疏問經云。初發已爲天人師。勝出聲聞及緣覺。故沙彌發心。羅漢推敬。如何至此方辨勝耶。然其勝義。乃有衆多。統而收之。不出三種。謂願行智。此三

歷位。故有衆多。畧明十位。一初發心勝。通於一切凡夫。如沙彌等。此通三心。二信勝。亦通三心。三解勝。四行勝。五願勝。此三卽三賢。別歷三心。六證入勝。齊證三心。雙證二空。是爲智勝。起十大願。卽是願勝。脩修諸行。卽是行勝。下辨果勝。亦三心果。此中行智。由願導故。所以最勝。依行布說。七地已上。智方自勝。故下經云。從初地來。彼悉超過。但以願求諸佛法。故非是自智觀察之力。今此七地。自智力故。一切二乘所不能及。論主立願爲校量勝。憑此明文。雖歷諸地。戒定道品等。地地超勝。亦不出

三心故。七從第七地去。名權實自智勝。八無功起行勝。九上等諸佛勝。十究竟勝。所謂諸佛三心果滿。鈔問經云下。先問引涅槃三十八。迦葉菩薩讚佛云。憐愍世間大醫王。身及智慧俱寂靜。無我法中有真我。是故敬禮無上尊。發心畢竟二不別。如是二心先心難。自未得度先度他。是故我禮初發心。初發已爲天人師。勝出聲聞及緣覺。如是發心過三界。是故得名爲最上。故沙彌發心者。卽智論文。昔有羅漢領一沙彌。携持衣鉢。沙彌忽發大菩提心。羅漢心知。便取衣鉢。令其前行。前行之次。

見諸細蟲。思衆生多。難可化度。便退大心。羅漢卽令却持衣鉢。令在後行。沙彌問師。師具荅云。汝發大心。卽是羅漢所歸敬處。故推於前。汝後既退菩提之心。故是凡夫。不合居我聖人之前。如何下結難。二信勝者。旣於大乘決定解故。依深觀解。起行願故。云具三心。如問明是智淨行品中。兼明行願三解勝者。習種已去。於深法界。如實解故。四行勝者。性種已上。具依種智。一切行故。五願勝。廻向大願。向三處故。此卽三賢別歷三心者。從增勝說。通亦具三。如十住品。下辨果勝者。謂柔是行果。發趣

是智果願智通一果。攝報通三果。雖歷諸地下。會異說謂遠公有十七過。十義同疏。二地淨業過。戒清淨故。三地定自在過。四地不捨衆生修道品過。五地不住道行過。六地甚深解行過。七地寂用雙行過。八地利他功用過。九地辯說行過。十地成就微細智過。兼初地中復有兩重。一證過。如前。二求勝過。謂地滿求證無定故。此有十一。唯存其證。後至七地。功用滿故。八地已上無功用故。故云雖歷諸地。不離三心。於十一中存三除八。疏中前五後一是同。已同其九。加第九等覺。故唯十過。問若有

十重。今但對地前辨勝便足。何用對於二乘。答。良以小乘是大乘所對。凡欲辨勝。多皆對之。乃至佛果亦對彼耳。下經非一。法華亦云。諸佛智慧甚深難解。一切聲聞辟支佛所不能知。

疏今此正明願行勝也。文分爲三。一願勝。謂標志遐廣。二修行勝。依願造修。三果利益勝。卽位行成。就今初二義。故勝二乘。一常勤修習無量行故。二與一切衆生同行故。同行卽是十無盡句。鈔文分爲三下。正釋經文。所以三者。卽行修始終也。疏釋此願勝。先以五門分別。一名體。二修證。三行

位。四因果五立意圓融。五各二義。則有十門。
疏初中先名後體。名中先總後別。總云願者。是希
求義。故下論云。發諸大願者。隨心求義。故而言大
者。下論云。光明善根轉勝增廣。故謂教證二光。與
行願善根轉勝地前。廣彌法界。故十願中。皆云廣
大如法界也。瑜伽四十五云。菩薩所修正願畧有
五種。一者發心願。二受生願。三所行願。四者正願。
五者大願。初求菩提。次攝生處生。三無倒思擇諸
法。願於境界修無量等。四願當來攝受一切菩薩
善法。故名正願。大願卽從正願所出。此復有十。全

同今經。今揀異前四。故云大願兼取所從。卽後二
願。別別大相。至文當知。後顯別名。瑜伽三十五及
諸攝論。皆有明文。並如下文。當願自釋。今且依梁
論畧列。一供養願。二受持願。三轉法輪願。四修行
二利願。五成熟衆生願。六承事願。七淨土願。八不
離願。九利益願。十成正覺願。後體性者。剋性卽以
欲勝解信。三爲自性。若取所依。悲智相導。卽後得
智。以爲願體。若并眷屬。一一皆以一切俱行功德
爲性。故論云。光明善根者。光明卽後得智。善根卽
信等及行。鈔故下論云者。以論先廣釋十願意。

後方以義收束。今先爲義門。故言下論。凡有下論之言皆準此知。而言大下。釋此大字。有通有別。別指在文。通有三。初正釋先舉論文。光明善根。此舉大體。轉勝增廣。此示大相。謂教證下。疏釋論文。兼取所從者。正願但約攝受菩薩善法。異於凡小。大願卽顯行相深廣。故二不同。則正通大別。正未必大。大必是正。故兼二也。卽以欲勝解信等者。欲及勝解。別境中攝。信卽是善。並如前釋。今希求卽欲。要印持前境。方忍樂欲。而心淨故。

疏二修證者。先約修行。初七修始。次二修熟。後一修成得果。後約證者。地前已發。今此十願齊證。

疏三行位者。先約於行。初二自利。次五利他。一以何身。謂攝法上首。而爲利他轉法之身。二以何心。謂卽令他修行之心。三何者衆生。四衆生在處。五自在身。任何處能化衆生。上三可知。後三不定。一卽八。是自利滿。九是利他滿。十是二利得果。或俱自利。論云。後三顯自身故。或俱利他。論云。此三示現如實教化衆生故。若約通論。十皆二利。故論云。校量勝有二。一行無量行。卽是自利。二與衆生同。卽是利他。後約位者。通則十皆初地所得。別則前

七明行。已如上辨。後三明位。下論云。一得地校量勝。初地至九地。二得菩薩地盡校量勝。卽第十地。三得一切地盡究竟故。卽如來地。鈔一以何身者。此中五句。論有五徵。下卽疏答。義屬經文。如一以何身。論也。謂攝法下。是疏屬經。下四皆然。而但釋前二。後三易故。四衆生住處者。卽第六承事願。有其二義。今取土中有生。在化之義。後三不定者。自有三釋。初一是古疏意。次二卽論。後三明位下。從初地來證論。如同聖故。至九地不離諸菩薩會等。二十地方得三業不空。三如來可知。

疏四約因果者。若就言顯。前九求因。後一求果。若約具攝。七亦求果。是依果故。十是正果。餘皆是因。疏五立意圓融者。先立意。所以但說十者。已攝二嚴二利。因果行位。無不周故。又爲表此無盡願故。故下云。一一皆攝。阿僧祇願。而爲眷屬。言圓融者。以稱性故。一願之中。具一切願。卽入重重。如常所辨。六相圓融。正在此文。已知大意。鈔已攝二嚴等者。初一福嚴。次二智嚴。四通二嚴。五六福嚴。七八通二。九福滿。十智圓。因果行位。已如向辨。佛子菩薩住此歡喜地。能成就如是大誓願。如是大

勇猛。如是大作用。

疏次正釋文。文分爲二。初正顯十願。彰自勤行。後明十盡句。與衆生共。今初分四。一總標。二所謂下別列。三佛子菩薩住歡喜地下。總結。四以此十願門爲首下明攝眷屬。今初初句明成願之位。是歡喜地。次能成就下。正明總願能成就言。該下三句。一。始起要期。云如是大誓願。隨心求義故。二。方便起行。云如是大勇猛。謂成彼一一願中所作方便。皆勇猛故。三。願遂行成。云如是大作用。謂如供佛願。便能供故。餘例此知。論云菩薩住此地。漸次

久習。起此三行。非一時故。是知此願亦卽是行。稱願行故。非如凡夫空有要期。是以總言能成就也。以總談別十願皆有此三。鈔一始起要期下。釋此三句。論在後結中釋。今將來此。論經二句不同。二云大方便。三云大行。然一一句皆有三段。如初句云。始起要期。是疏出意。二云如是大誓願。是牒經證。三隨心求義故。是論釋。下二皆然是知此願等者。論言起此三行故。

○疏二別列中。十願不同。卽爲十段。一一願中。文各有四。皆初四字總標起願。次顯願行相。三廣大下。

彰願德能。四一切劫數下。明願分齊。初後二段。文通義局。第二行相。文義俱局。第三德能。文義俱通。十願無別故。

所謂生廣大清淨決定解。以一切供養之具。恭敬供養一切諸佛。令無有餘。

疏。今初供養願。準論願供養勝田師及法王。此則通供。經從勝故。但云供佛。文中闕於總標。以近前總如是大願故。二三兩段。各有二義。通成六大。顯初供養大願之義。今初行相之中。三大義者。一心大。卽經生廣大清淨決定解。謂增上敬重。深稱

佛境。故云廣大。廻向菩提。決定信故。名清淨決定解。清淨解言。信因果故。此上論意。局在初願。若以義求。通餘九願。皆爲菩提廣大無限無疑淨信而起願故。二以一切供養之具。卽供具。大此是行緣。三恭敬下福田大。於中令無有餘。是總相。無餘有三。一。一切佛無餘。卽是行境。二。一切供養無餘。三。一切恭敬無餘。此二行體。由上二義。成上敬田。上三皆云一切者。佛卽三身。亦兼十身。供養有三。一。衣等利養。二。香等敬養。三。戒等行供養。恭敬亦三。一。給侍恭敬。二。迎送恭敬。三。修行恭敬。卽敬順佛。

故上三各三。豎論一切。若橫論一切。則佛該十方。無盡等。餘三準思。鈔清淨解言者。因卽解字。勝解卽於境。印持爲性。不可引轉爲業。卽唯識論深忍之義。清淨是果。若準唯識。樂欲是果。今望上。因心淨卽果。

廣大如法界。究竟如虛空。盡未來際。

疏二彰願德。能言三大者。一攝功德大。如經廣大如法界。一切餘善根中勝故。二因大。卽究竟如虛空。無常變果無量。因故。三時大。卽盡未來際。此因得涅槃常果故。鈔一攝功德大者。此下三大。卽

是初地六決定中之二。初一卽勝善決定中義云。一切餘善根中勝故。意取勝等。不取決定。二三卽因善決定。開之爲二。

一切劫數無有休息。

疏三。明願分齊。十願文同。所作各異。此應盡未來際。行供養故。

又發大願。願受一切佛法輪。願攝一切佛菩提。願護一切諸佛教。願持一切諸佛法。

疏第二受持願。亦名護法願。瑜伽雙云。攝受防護。願行相之中。文有四句。皆通二利。然若約能受等。

說受謂受領攝謂攝屬故勝鬘云攝受正法護謂防護持卽任持故勝鬘云護持正法若約所受初教次果三行四理而受等言文雖互舉義實互通亦初教次證三云護教而判爲行者論經云一切諸佛所教化法皆悉守護論云謂修行法於修行時有諸障難攝護救濟故卽攝護自行救濟於他鈔亦初教次證上約教理行果以釋經文而論經但有二句初句明教次句明證三云一切諸佛所教化法皆悉守護故此卽用前教證以化衆生故名爲行論下釋中教謂修多羅等此釋法輪書

寫供養讀誦受持爲他演說故此釋受字釋次句云攝受一切佛菩提者所謂證三種佛菩提法攝受此證法教化轉授故釋第三句如今三云護教下所引論文上疏順四故爲此配若配教證亦可後二護初教法持上證法

疏上約始修願名受攝等若約終成名四成就故上總云成就如是大誓願也一者法輪不斷成就二者證智成就三修行成就四入理成就鈔上約始修下明成就義行德相應總名成就論亦三成就四是義加順四法故論釋第三云三者修行

乃至如實修行正覺成就故者。卽修上證也。上論三種菩提者。而論自釋。卽三乘菩提。此有二意。一明菩薩菩提包含。二將隨宜化物。

廣大如法界。究竟如虛空。盡未來際。一切劫數。無有休息。

又發大願。願一切世界。佛典于世。

疏第三轉法輪願。亦名攝法上首願。先攝後轉故。疏行相中四。一轉法處。卽一切世界佛應處故。

從兜率天宮沒入胎任胎。初生出家。成道說法。示現涅槃。

疏二從兜率下轉法時。謂現八相時。八相之義。離世間品廣釋。鈔離世間者。今經具列。彼各有十。然亦有佛不具八者。如天王佛白衣成道故。若以離俗爲出家。則亦具矣。須扇多佛無生可化。則不具轉法輪。畱一化佛半劫化人。是則亦具。然論釋一切處云。順衆生見故。下料揀。何故不處色無色界。恐衆生云。此難處來。不爲成故。二何故不處他化等。而生兜率。令衆生知捨彼勝樂。念衆生故。三何故下生人中。捨於天樂。爲愍我故。四何故處胎。示現同生。增長力故。五何故自成正覺。示非餘佛。

教化顯丈夫力成就。非因他得菩提故。六何故入涅槃。爲令懈怠衆生勤心修道故。此等畧舉示八相中一義而已。下離世間。各具十義。故疏全指皆悉往詣親近供養。爲衆上首。受行正法。

疏三皆悉下。攝法方便。於中初集功德方便。後爲衆上首下。集智慧方便。以此二種助菩提法。故云方便。

於一切處一時而轉。

疏四於一切下。明轉法頓周。

廣大如法界。究竟如虛空。盡未來際。一切劫數。無有

休息。

又發大願。願一切菩薩行廣大無量。不壞不雜。攝諸波羅蜜。淨治諸地。總相別相。同相異相。成相壞相。所有菩薩行。皆如實說。教化一切。令其受行。心得增長。疏第四修行二利願。若約成益。名心增長。論從此義。故先標云。第四大願。心得增長。以何等行。令心增長。一切菩薩所行。教化一切。令其受行。心增長。故文中亦四。第二行相中分二。初能增長行。後明所增長心。前中分四。一明行相。論名種種。二行體。三行業。四行方便。以此四種教化。令其受行。初

行相者。世出世間。各有多異。故云種種。於中廣大無量。是世間行。意明俗智之行。廣從初地。乃至六地。大者七地。無量者八地已上。不壞不雜。是出世行。法無我平等觀。出世間智故。謂不雜世間有漏法故。不壞者。冥同真性故。若瑜伽通論云。地前名廣。雖行一切。但得名廣。一一行故。非大無量。地上名大。一一各以一切成故。不動已上。乃名無量。一切行中。具一切故。不壞者。於前六地。各得成一。不可破壞。論至意明。此地中之願。故不取地前之行。義不異前。鈔世出世間者。謂明世出世。畧有二

義。一約位。謂地前爲世。地上爲出。二隨義。教道爲世。證道爲出。今下廣大無量。卽是教道。故云世間。不壞不雜。卽是證道。爲出世間。故云種種。下直至八地已上。上三行疏文。意明俗智之行。是疏餘皆論文。法無我下。卽是論釋。謂不雜下。是疏釋論文。有三段。一釋經。二若依下。會異釋。三論至下。會通。二論言義不異前者。卽廣大無量不壞皆同。故瑜伽便當釋論廣大等義。

疏二攝諸波羅蜜。卽是行體。廣大等相。但辨此故。疏三淨治諸地。卽是行業。以十度行。淨十地。蔽助

真如觀淨十障故。

疏四總相已下。明行方便。然有二種。一自行方便。謂以六相圓融。巧相集成。一具一切。仍不壞相。故名方便。六相之義。廣如別章。畧如前釋。二皆如實下。卽化他方便。不違實道而化物故。

疏二心得增長者。卽所增長心。化他受行。他心增長。化他成自。自心增長。

廣大如法界。究竟如虛空。盡未來際。一切劫數。無有休息。

又發大願。願一切衆生界。有色無色。有想無想。非有想非無想。卵生胎生。濕生化生。三界所繫。入於六趣。一切生處。名色所攝。

疏第五成熟衆生願。成熟亦名教化。就行相中文。分二別。初明所化衆生。後如是等下。彰化所爲。今初初句爲總。有色下別。別有六種差別。一。籠細差別。此明報相。下二界有色爲籠。無色界爲細。於有色中。有想天爲籠。無想天爲細。就無色中。非有想爲細。謂第四空。非無想爲籠。謂下三天。此經文畧。論經云。非無想非想非非想。謂非無想是籠。餘卽是細。鈔彰化所爲者。論云。何義故化。無想天

爲細者色界十八天。唯除無想。皆各有想。無想天與廣果天同處。外道取爲究竟涅槃。修無想定。生於彼天。得五百劫無心果報。佛之弟子不生彼中。疏二卵生下。生依止差別。謂報之所依託故。餘三可依。化生依何業。染生故。然四生攝盡六趣。而通局有異。化生通六趣。胎生不通地獄諸天。濕卵唯局人畜。又以六趣不攝中有化生。故寬隘有異。餘如別章。鈔化生依何者。論但云業生依於因。故染字卽俱舍世間品意。偈云倒心趣欲境。濕化染香處。濕生染香。化生染處。然四生等者亦俱舍。

意彼偈云人傍生具四地獄及諸天。中有唯化生。鬼通胎化二。今疏說勢小別。義理皆同。人具四者。卵生如毘舍佉夫人。生三十二卵。卵各出一兒。般遮羅王有妃。生五百卵。卵各一子。胎生如今人是。濕生如頂生王。從頂胞而生。故化生唯劫初起。傍生具四。此類可知。化生如龍迦樓羅等。鬼通胎化二者。如餓鬼白目連言。我夜生五百子。隨生皆自食。晝生五百亦然。雖盡而無飽。卽胎生也。鬼化可知。無而忽有故。又以六趣等者。卽寬隘門。故雜心論云。爲生攝趣。爲趣攝生。論自釋云。謂生攝趣。非

趣攝生何者中陰是其化生趣不攝故。

疏三三界所繫名淨不淨處差別欲界不淨上二
界淨就果以明故名爲處就因以說故名爲繫。

疏四入於六趣是苦樂差別受種種身故亦名受
生差別。籠相而說。三塗爲苦。上天爲樂。人及修羅
兼於苦樂。

疏五一切生處是自業差別。此以因釋果。由業異
故生處不同。謂於一趣中有多不同。如於人中有
中有邊。貴賤家異等故。

疏六名色所攝。是自體差別。有體唯名。謂無色界。

彼處有色。非業果故。有體唯色。謂無想天。彼所有
想不可知故。有體具二。謂除前二。鈔六名色所
攝下。名色之義。六地當說。

如是等類。我皆教化。令入佛法。令永斷一切世間趣。
令安住一切智智道。

疏二化所爲中。初句結前生後。令入已下。別名所
爲所爲有三。一爲未信入者。令信入佛法。二已信
入者。令其離惡。爲涅槃因。世間趣者。謂業惑苦三。
令修菩提道。道通因果。

廣大如法界。究竟如虛空。盡未來際。一切劫數。無有

休息。

又發大願。

疏第六承事願。願往諸佛土。常見諸佛。恒敬事聽受。故瑜伽云。願於一切世界中。示現。意明化生。今經但云。知見者。知生佛在處故。鈔故瑜伽云下。辨其異名。今經已下。會釋。知生佛在處者。知生在處。在化。知佛在處。在供事故。新經中承事之言。其義甚顯。偈云。於一毛端微塵中。出現三世莊嚴刹。十方塵刹諸毛端。我皆深入而嚴淨。所有未來照世燈。成道轉法悟羣有。究竟佛事示涅槃。我皆往

詣而親近。釋曰。前偈卽一切相。及真實義無量相。後偈正明承事嚴刹亦兼化生。

願一切世界廣大無量。麤細亂在。倒任正任。若入。若行若去。如帝網差別。十方無量種種不同。

疏就行相中分二。初明所知。後辨能知。前中初句爲總。廣大下別。別有三種相。一。一切相。二。真實義相。三。無量相。

疏今初界相不同。故云一切。於中又三。初明分量。謂小中大千。如次爲廣大無量。二。麤細者。明體質。麤妙。謂應報等殊。論云。細者隨何等世界。意識身

儀述

華嚴疏鈔卷之五

五

疏

支那

華嚴疏鈔卷之五

五

疏

故。籠者。隨何等世界。意識。色身。故者。謂隨能依。色心。籠。細。世界。籠。細。籠者。云色。三。亂。住。下。安。立。不。同。亂。則。不。依。行。伍。倒。卽。覆。利。正。卽。仰。利。若。入。若。行。若。去。論。無。此。文。文。含。二。意。一。成。前。安。立。謂。前。三。類。世。界。道。路。往。來。一。者。順。後。入。卽。攝。他。入。已。去。卽。爲。他。所。攝。行。卽。往。來。不。住。故。如。帝。網。正。喻。於。此。鈔。一。切。相。者。一。切。相。是。土。相。二。眞。實。義。相。是。土。體。及。性。相。相。融。世。界。實。爾。云。眞。實。義。然。其。分。量。約。三。千。者。且。約。權。實。同。用。耳。應。如。世。界。成。就。品。等。故。下。第。三。辨。無。量。相。籠。者。云。色。義。當。無。色。界。爲。細。下。二。界。爲。

籠。以。釋。廣。等。既。約。三。千。籠。細。亦。且。就。三。界。耳。餘。義。皆。如。初。會。

疏。二。如。帝。網。差。別。卽。眞。實。義。相。土。土。同。體。不。守。自。性。互。相。涉。入。如。彼。帝。珠。故。名。眞。實。論。云。如。業。幻。作。故。者。轉。以。喻。顯。如。世。幻。者。火。處。見。水。大。處。見。小。等。業。所。作。土。亦。同。於。幻。故。得。涉。入。重。重。無。盡。

疏。三。十。方。下。無。量。相。謂。前。二。相。周。徧。十。方。又。上。說。不。盡。故。結。云。無。量。大。菩。薩。藏。經。說。虛。空。中。世。界。重。數。多。於。大。千。所。有。微。塵。但。由。業。異。不。相。障。礙。一。處。重。重。尚。爾。況。復。橫。周。

智皆明了。現前知見。

疏第二智皆明了下。辨其能知。若真實義相。唯智
能知。餘一切相。可現眼見。

廣大如法界。究竟如虛空。盡未來際。一切劫數。無有
休息。

又發大願。

疏第七淨土願。願清淨自土安立正法。及能修行
衆生故。鈔願清淨下。疏文有三。初總顯立意。畧
具三淨攝於淨土。一清淨自土。卽是相淨。如第三
淨。二安立正法。卽法門流布淨。如第七淨。三及修

行衆生。卽在處衆生淨。如第五淨。顯斯三淨。卽淨
土意。自他受用。及變化土。皆悉具矣。

願一切國土。入一國土。一國土。入一切國土。無量佛
土。普皆清淨。光明衆具。以爲莊嚴。離一切煩惱。成就
清淨道。無量智慧衆生。充滿其中。普入廣大諸佛境
界。隨衆生心。而爲示現。皆令歡喜。

疏於行相中。總有七淨。一同體淨。以同法性。故
令一多互相卽入。鈔一同體淨有二意。初明報
應淨土。皆以法性土。而爲其體。卽事理無礙。故令
一多由相卽性。以性融相。令報應等。及染淨土。互

相卽入。

疏二無量佛土普皆清淨者卽自在淨如摩尼珠美惡斯現淨穢圓通故云普皆清淨。鈔二無量卽自在淨然淨土畧有二種一者相淨卽第三淨二自在淨卽是今文如摩尼下喻自在相隨機現故如身子螺髻各見不同而言普皆清淨者就佛言之無不淨也故淨名云我此土淨而汝不見卽以自在圓通而爲淨也如第八地。

疏三光明衆具以爲莊嚴者各莊嚴淨卽相淨也。疏四離一切下明受用淨謂受用此土離過成德故初句成斷德後句成行德如受用香飯身諸惑滅入正位等。鈔如受用香飯下引淨名證身諸惑滅證離過斷德入正位等證成行德等者等於淨名餘經前教體中已明至法界品更顯。

疏五無量智慧下任處衆生淨謂具德人居今畧語智慧。鈔謂具德人居者亦名人寶莊嚴亦同淨名不誦衆生來生其國等。

疏六普入下因淨淨因有二一者生因謂施戒等如淨名說二者依因此復有二一鏡智淨識爲土所依二後智通慧爲依如下第十地入佛國土體

性三昧現淨土等。此二皆是諸佛境界。鈔因淨如世界品。

疏七隨衆生下果淨。因既有二果亦二種。一所生果。卽前相淨。二所示現果。卽臨機示現。鈔一所生果者。卽生因招臨機示現。卽依因招。卽後智通慧。故論結云。顯智神力等故。

疏今依此義。上七淨中。前四當相明土。次一就人顯勝。後二舉因顯果。就前四中。初二土體。第三土相。後一土用。就土體中。初彰體同。後明體淨。故有七淨淨土義周。

廣大如法界。究竟如虛空。盡未來際。一切劫數。無有休息。

又發大願。

疏第八不離願。願於一切生處。恒不離佛菩薩。得同意行故。亦名心行願。願不離一乘故。故論云。第入大願。不念餘乘故。

願與一切菩薩。同一志行。無有怨嫉。集諸善根。一切菩薩平等一緣。常共集會。不相捨離。隨意能現種種佛身。任其自心。能知一切如來境界。威力智慧。

疏行相中。有十二句。初總後結。中十別明菩薩行。

今初同志一乘。同修萬行故。次無有怨嫉。下別於中前五修行同。後五德用同。前中初二自分二嚴。一福善同集。二智觀齊均。後常共下。三句勝進。於中初一攝法方便。謂聚集解說論佛法故。後二依法起行。初一利他故。隨意現身也。後一自利。謂忘緣照境。不由他教。云任自心。智契法身。名知佛境。威力外用。智慧內明。則兼報化分齊境也。鈔一福善同集者。善根是福。無有怨嫉。卽心同相。二智觀齊均。亦如故。同三諦故。隨意現身者。通他受用及變化也。不由他下。然經云。任其自心。能知一切。

如來境界。卽是證道。威力智慧。是菩薩教道。此就能知。若約所知。威力是佛教道之用。智慧是佛證道之德。就菩薩中。證知佛境界。卽真如。是所知境。威力智慧。是佛所有。爲分齊境。

得不退如意神通。遊行一切世界。現形一切衆會。普入一切生處。成就不思議大乘。修菩薩行。

疏後五德用中。一明通體。如意所成。無能退屈。餘四通業。於中前三如意通業。一本身往餘世界。二現多異身。於一切佛會。三示同類生。各一切生處。後一法智通業。三修菩薩行。一句總結上十。

廣大如法界。究竟如虛空。盡未來際。一切劫數。無有休息。

又發大願。

疏第九利益願。願於一切時。恒作利益衆生事。無有空過。故亦名三業不空。瑜伽云。願所有一切無倒加行。皆不唐捐。

願乘不退輪。行菩薩行。身語意業。悉不唐捐。

疏行相中二。先總明。謂乘念不退。圓滿教輪。三業皆益。又三業皆不唐捐。卽是不退。摧障圓德。所以名輪。鈔先總明下。釋乘不退輪。有其二義。前義

三業不空。是輪之用。後義三業不空。是輪之體。

若暫見者。則必定佛法。暫聞音聲。則得實智慧。纔生淨信。則永斷煩惱。

疏後若暫下。別顯有二不空。一作業必定不空。二業能安樂。故謂見身修行。知佛法真實。故云必定。聞口說法。能生智慧。念意實德。諸惑不生。此從增勝。故說三業成益不同。實則互有。鈔實則互有者。謂見身亦得實智及斷惑。聞聲必定斷惑。信意決定得智。

得如大藥王樹身。得如如意寶身。修行一切菩薩行。

疏二得如大藥下。利益不空。二喻皆喻拔苦故。一切衆生有二種苦。一種種諸苦。謂逼迫等。藥樹王身以爲能治。二貧窮苦。如意寶身。以爲能拔。種種義兼身心。若麤若細。貧窮通於世財法財。論王對前安樂。此爲利益。故作此釋。實則前喻喻三業捨惡離苦。後喻喻三業進善得樂也。鈔一種種苦者。藥王樹枝葉花果。各除病故。論王對前下。卽疏別意。於中先出論意。言對前安樂者。卽佛地論中。利樂之文。總有四對。如光明覺品。此中用斷惡爲利益。進善爲安樂。然前作業就行體立名。二業所

爲故。取其成益。乃是安樂。今此卽就行益立名。實卽下。正顯疏意。意云前之三業。通有利益安樂。故今二喻。各喻一能。藥能治病。故喻捨惡等。卽利益也。寶滿人意。故喻進善等。卽安樂也。故上所喻三業之中。影畧以顯利益安樂。生信決定。卽是進善。永離煩惱。卽是除惡。釋云互通三皆兼二。

廣大如法界。究竟如虛空。盡未來際。一切劫數。無有休息。

又發大願。

疏第十成正覺願。願與一切衆生。同時得無上菩

提恒作佛事故。文四同前。而論總顯願相云。第十大願起大乘行者。是果乘故。雖得佛道。不捨菩薩利益。名起大行故。

願於一切世界。成阿耨多羅三藐三菩提。

疏就行相中。分爲二別。初成菩提體。卽自運已圓。後不離下。菩提作業。卽運他不息。今初菩提。亦是總相。一切世界。卽得菩提處。謂徧於十方同類異類。一切諸利。真則稱性。應則隨機。故無不在。鈔今初菩提者。此有三對。前約自他。對乘運故。二者體用。故云菩提體。菩提作業。三者總別。別依於總。

總攝別故。方順經宗。真則稱性者。約體用二利。此唯是自利之體。但有此句。謂若有妄念。身智有分。有在不在。今妄盡故真。故無在無不在。云於一切處。而得菩提。若依總別。總既含別。故有下句。應則隨機。感而卽形。故無不在。廣如出現菩提章說。不離一毛端處。於一切毛端處。皆悉示現。初生出家。詣道場。成正覺。轉法輪入涅槃。

疏後菩提作業中。有七種業。一從不離至入涅槃。是示正覺業。一切毛端。是成佛處。上來平漫徧於十方。云一切世界。今明徧法界中。一一毛端極。

小量處皆於其中入相成道。以彼皆有可化衆生故。故離世間品云。於一毛端量處有多衆生。況於法界。然復不離一毛端處。而於一切毛端處。示現則不動而徧。一多自在。鈔示正覺業者。揀上真成。而卽體之應故。一多自在。此別示菩提。而具八相。二三四業。皆轉法輪相。而初一說實通於諸乘。二唯說一實。三一音隨類頓具諸法。故論云。種種得佛境界。大智慧力。於念念中。隨一切衆生心。示現成佛。令得寂滅。

疏二得佛境界下。說實諦業。謂說四真諦。令悟實故。初明能說。謂智慧力。力兼二義。謂神通力。論經具之。此二力用。唯是佛境。後顯力用。以神通力。念念成佛。以智慧力。隨樂爲說。令得寂滅。是說之益。謂能斷集修道。則得苦滅。證於滅理。論釋成佛云。除諸難處。彼彼勝處生者。以佛生處。必非五難處。亦無佛前後難。故云。除諸難處。鈔說實諦業下。四諦之義。如其本品。上求佛智。亦說知斷證修。故知爲通。不可局小。論經具之者。彼經云。現諸佛境界。大神通智力是也。今經神通屬下。故亦義兼。以神通力。念念成佛。猶屬前業。此爲說法所依之身。

故舉之耳。以佛生處者。必非三塗北洲長壽故。前後雖是約時。亦約必無餘二容有。非是處故。言彼彼勝處者。除難處竟。於三洲中。唯取閻浮。閻浮爲勝。堪受化故。百億非一。故云彼彼。

以一三菩提。知一切法界。卽涅槃相。

疏三以一三菩提下。證教化業。以一極無二之菩提。契差別之性。淨涅槃。則不復更滅。說此證法。令物生信。名教化業。鈔以一極者。三者正也。菩提云覺。此是能證。其一極無二。釋經一字。揀異二乘。故名爲一。揀異菩薩。故復云極。出現品菩提章云。

菩薩應如是知。成等正覺。同於菩提。一相無相。復云菩提無相。無非相。無一無種種。所以疏云。一極之菩提。契差別等者。性淨涅槃。卽是所證。二無我理。本寂滅。故名爲涅槃。言差別者。釋經一切法界。謂卽是差別。而性淨故。經云卽涅槃相。卽相之性。方爲淨性。契通能所。能所契合。其菩提故。則不復更滅者。暗引淨名彌勒章中。證成上義。故彼經云。一切衆生。卽涅槃相。不復更滅。在義可知。出現品中。更當廣說。上卽是證。說此證下。躡上釋教化。唯將佛證教化。亦同法華佛自住大乘。如其所得法。

定慧力莊嚴。以此度衆生也。卽佛教證。

以一音說法。令一切衆生。心皆歡喜。

疏四以一音下。種種說法業。一音稱機故。鈔以一音下。此業一音頓演。故名種種。一音之義。前疏已明。下復廣說。言稱機故者。釋經令歡喜言。稱機故喜。

示入大涅槃。而不斷菩薩行。

疏五示入下。不斷佛種業。涅槃常住。動寂無二。雙林應盡。增物戀情。故云示入。旣非永滅。常作佛事。故佛種不斷。此亦得果不捨因也。鈔不斷佛種

業者。化化不絕。故此業廣如出現涅槃章中。

示大智慧地。安立一切法。

疏六示大智下。明法輪復住業。大智慧地。唯一事實。卽是佛智。能生萬物。終歸於此。故名爲地。示物同歸。而智慧門。隨機萬差。各安立一切。鈔明法輪復住業者。疏文有三。初正釋經。大智慧卽唯一事實者。法華經云。究竟至於一切智地。又云。唯此一事實。餘二則非真。卽是佛智者。出體經云。佛說智慧故。諸佛出於世。能生下。釋智地義。地有二義。一者能生。於一佛乘。分別說三故。二者終歸。究竟

至於一切智地故。開示衆生如來知見。故曰同歸。卽法華方便品初。諸佛智慧甚深無量。而智慧門下。卽是法華其智慧門難解難入。又彼經云。舍利弗。諸佛隨宜說法。意趣難解。所以者何。我以無數方便。種種因緣譬喻言詞。演說諸法。卽隨機無量也。廣如法華開示悟入之文。

疏前卽涅槃能建大事。此卽於一佛乘分別說三。鈔前卽涅槃下。第二雙結五六。意顯此經包含。疏三對實施權。故名復任。鈔對實下。第三釋名。以復任字難了。故謂教法任持。名之爲任。實則常

任。對實施權。故有復言。

以法智通神足通幻通。自在變化。充滿一切法界。

疏七以法智下。自在業。於中初顯自在所依。所謂三通。法智通者。觀一切法無性相故。神足通者。自身現生任滅修短。隨心自在。故幻通者。轉變外事。無不隨意。此後二通。但內外爲異。由法智通。見理捨相。故不住世間。由後二通。有自在事用。故不住涅槃。成無任道。又依智論說。有四通。前三同前。四以聖自在種種變化通。謂十八變。三輪化等。取此則自在下。當第四通。鈔七以法智下。疏文有三。

先顯自在所依者。卽是三通。則知經云自在變化。下。正顯自在之用。於中先顯三通以合自在之意。由法智通下。方釋自在。束其三。通成無住道。可知。又依智論釋。則以自在亦是一通。但有通名。已合作用。十八變義。法界品辨。

廣大如法界。究竟如虛空。盡未來際。一切劫數。無有休息。

疏上來別顯十願竟。

佛子菩薩任歡喜地。發如是大誓願。如是大勇猛。如是。是大作用。

疏第三佛子下。總結十願。不異前標。

以此十願門爲首。滿足百萬阿僧祇大願。

疏第四以此下。明攝眷屬。若觀經文。似此十之類。有於百萬等。依論釋云。此十大願。一一願中有百千萬阿僧祇大願。以爲眷屬。則此十願。攝無不盡。如成正覺。則攝藥師十二上願。如淨土願。則攝彌陀四十八願等。故此經他經。所有諸願。不出此十。非唯攝願。亦攝一切菩提分法。如第七地。辨上明十願。彰自勤行竟。鈔則攝藥師十二。彌陀四十願者。並如彼經。恐繁不引。亦攝一切者。彼因說

撰述
華嚴疏鈔卷之五
七地一切菩提分法於念念中皆悉圓滿解脫月
便問唯此地滿諸地亦滿金剛藏答於十地中皆
能滿足菩提分法七地最勝下說諸地滿相云菩
薩於初地中緣一切佛法願求故滿足菩提分法
卽其文也彰自勤行者結也故論云一常勤修習
無量行故常辯無間無量辯橫廣可知
佛子此大願以十盡句而得成就

疏第二佛子此大願下以十盡句與衆生共謂前
十願皆爲衆生由十無盡成前大願皆無盡也文
分爲二初總標舉後何等下徵以別顯今初晉

經名爲不可盡法下釋亦云皆不可盡今言十盡
句者窮彼無盡皆無有餘故名爲盡斯則盡無盡
之衆生等也故下論云盡者示現不斷盡非念念
盡由此故令前之十願得大願名故云此大誓願
而得成就鈔故下論云盡者示現不斷盡者不
斷是無盡統攝無盡之法令無有餘名爲盡耳

何等爲十所謂衆生界盡世界盡虛空界盡法界盡
涅槃界盡佛出現界盡如來智界盡心所緣界盡佛
智所入境界盡世間轉法轉智轉界盡

疏二徵顯中先顯上十盡後若衆生界下顯前大

願成就。今初先徵後顯。顯中十句。初句爲總。十願皆是爲衆生故。餘九句別。別皆集成度衆生義故。鈔初句爲總者。此段畧有三門。一總別分別門。二廣畧分別門。畧以三轉攝前九故。三五無量界分別門。卽爲三段。今總別畧有三義。一者語總如十地十度等。二者法總。諸法因體互相集成。卽六相中總。三者意總。如此中說。意爲衆生故。疏一衆生於何處住。所謂世界故。二世界依何。謂盡虛空界故。三說何法化。謂法界故。四隨所化生安置何處。謂涅槃故。五涅槃何用。謂佛出現故。六

以何方便巧化。如來智故。七此智何知。謂知心所緣故。八此心所緣。令隨何境。謂佛智所入境故。卽是真性後三轉盡畧攝前九。義合總別。云何攝九。謂世間轉攝前衆生界。世界虛空界。其法轉攝前法界。涅槃界。佛出現界。其智轉者。攝前如來智下三界。而言轉者。世法及智。展轉攝前無窮盡故。轉亦是無盡義耳。鈔後三轉下。卽廣畧門。以世界是衆生依報。虛空是世界所依。故合爲世間。法界是法可知。涅槃卽所證法。佛出現卽教化法。如出現品以無量緣方出現故。故三皆法。其如來智是

智亦可知。心所緣者。意通能所緣。佛智所入。成上能入之智。故皆智轉。而言轉者。別釋轉字。以畧攝廣。名展轉者。可知。而言轉亦無盡者。所攝之九。復能攝。故轉生無盡。

疏又十中前四爲四種無量界。後六皆調伏方便。無量界。十皆云盡者。無斷盡故。鈔又十中前四下。五無量界所攝門。然依瑜伽五界者。一衆生界。二世界。三法界。四調伏界。五調伏加行界。無虛空界。今者虛空。合後二界。是智論意。若依瑜伽。既除虛空。卽以心所緣界。攝調伏界。餘四調伏加行。卽

方便也。化生法者。名調伏界。度生法者。名調伏方便界。

若衆生界盡。我願乃盡。若世界乃至世間轉法轉智。轉界盡。我願乃盡。而衆生界不可盡。乃至世間轉法轉智。轉界不可盡。故我此大願善根。無有窮盡。

疏第二顯大願成就中。先反顯。後而衆生界下。顯明無盡。所以十願同此十者。前之十願。不出此十。盡句。增上力故。諸佛以此力。常爲衆生作利益事。我願同然。上來願校量竟。鈔先反顯者。假設界盡願盡故。順明下正明界無盡故。成願無盡。於

中二意。先別出同之所以。後諸佛以此下。以論成前。前中言前之十願不出此者。且總相明。一一願皆云廣大如法界究竟如虛空等。若別說者。衆生卽第五所度。世界卽第六所知。第七所淨。二虛空。卽前第六中十方無量。此四界皆第十願中三法界。卽知一切法界。旣爲化生法。亦卽第二第三願。四涅槃界。卽示入大涅槃。而不斷菩薩行。五佛出現界。不離一毛端處。示成正覺。六如來智。卽約佛境界大智慧力。是大智慧地等。七心所緣界。卽第八願平等一緣。八佛智所入。卽以一二菩提。知一

切法界。卽涅槃相。亦是第四二利。六相爲所入。故此十句下。全是論文。由生界等無有盡故。諸佛以願利益不休。

佛子。菩薩發如是大願已。則得利益心。柔軟心。隨順心。寂靜心。調伏心。寂滅心。謙下心。潤澤心。不動心。不濁心。

疏第二佛子下。修行勝。卽行校量。有十種行。就文分三。初明行所依心。二成淨信下。顯所成行相。三佛子菩薩如是下。結十名體。今初由先大願熏心。故則得利益等十心。爲起行依。於後十行。起作自

在然有二意。一以十心通爲十行之依隨釋易了。二以十心別對十行。以治十障。文皆次第。唯信行最初。而不濁居末者。以與釋文相接故也。鈔十心爲起行依者。論經但有二心。謂調順心。柔軟心。論云。調順心者。彼諸善根中。得自在勝故。謂欲起卽起。故名自在。論云。柔軟心者。得勝樂行故。謂內證適神。心無剛強故。今有十心。故對下十行。治瑜伽十障。與論小異。

疏一利益心者。利益拔苦。卽是悲心所依。治損害障。能成悲行。二與樂柔軟卽是慈心。治瞋恚獷強障。三隨順所求。卽是施心。治於身命財生顛戀障。四寂靜無求。方能求而無厭故。是無疲厭心。治希求報恩貪著利養不寂靜障。五三學調伏。是知經論心。以經詮於定。論詮於慧。經兼於律。復是調伏治無善巧求加行障。有則調伏故。六雖行世間。妄惑不生。故云寂滅。是解世法心。以治性不柔和。不於他心隨順而轉。不寂滅障。七高崇賢善。拒惡不增。故名謙下。是慚愧心。治於放逸之高舉障。八能修出離。以法潤澤。卽堅固莊嚴。治於種種猛利無間無斷生死大苦。生怯弱障。九能如說行。故心不

動卽供養佛行。治於大師所。猶豫疑惑障。十不濁心。卽第一信行。信以心淨爲性。離不信濁故。此治全未發心。全未受持菩薩學處障。由治十障故。經名淨治地法。地法通於教證。此所治障。具如瑜伽四十九說。

○疏第二別顯所成行相。畧啓七門。一釋名。先列後釋。列者。一信行。二悲。三慈。四施。五無疲厭。六知經論。七了世法。入慚愧莊嚴。九堅固力。十供養佛。釋名隨文可見。

疏二辨體。多同十歲。鈔二辨體者。十行望歲。有名同者。謂信施慚愧。餘多義同。六卽聞歲。標章云。聞說多知故。五同於念。九同於持。十供養中財供。同施法供。同辨。七了世法卽多聞中義。慈悲二行。亦是聞中知緣起義。旣言多同。有不同者。不會無失。亦餘處經已出體竟。故取信等多同。亦不取全同也。

疏三明得處。信位卽修故。信進念等。大同於此。三賢漸熟。故十歲品有信等歲。初地證得。以淨治地障。故此偏明。下論云。此信等十行。盡是障地淨法。故前將一行以對一障。鈔下論云等者。以論先

釋十行。後方始收束料揀。故云下論。言盡是障地淨法者。下文當釋。今且畧明。謂盡能治地障故。故以一行對治一障。

疏四約修分別。十行分二。前三是行意樂。故名爲心後七加行造修。故名爲行。故論云。此十種行。顯二種勝成就。一深心成就。謂信悲慈。二修行成就。謂餘七故。瑜伽地持。皆同此說。鈔前三等者。先釋義。後引論證。亦是下論。然就通論。十皆是心。亦名皆行。故此十種名。行校量於中。分別前三。是行方便心。論云。深心故疏。以意樂釋心。言地持同此

者。彼云前三名爲心淨。後七名行方便淨。

疏五約二利。前七別顯二利。信及無疲。是自利行。餘五利他。後三通約二利。攝護前七故。於中前二護前七。謂慚愧治障。護令離惡。能令信等成。無著行。由堅固力。護令任善。能令信等成。不可動。後一攝前七。一攝令成行。二攝令得果。思之可知。鈔五約二利者。就行分別。言信及無疲等者。論至次第釋前七云。於中依自利行。謂信能信菩薩行。及諸佛法。求必能得故。依利他行。所謂慈悲。能安隱他。與樂心。故捨者。以財攝他。行故不疲倦者。自攝

法行故知諸經論善解世法者攝他行故釋曰以
論文雖顯次第相叅故疏摘出二行以爲自利餘
爲利他後三者問直爾信等自能離過何用慚愧
護令離惡答若無慚愧終不起信斷於不信如是
一切故說慚愧以爲能護由離障故七皆不著後
一攝前七者攝有二義如疏所辨言攝令成行者
爲行供養攝令起信等故論云三者供養彼垢清
淨依止行供養諸佛攝信等善根故二由供養得
二種身故令信等得二身果故論云是中有二種
供養故得二種身一者上妙身所可見者心生敬

重利益不空故二者調柔心自性善根成就樂行
法故釋曰久修令熟故曰性成卽論自性善

疏六明次第者先自證信因果既自證信慙傷妄
苦誓與真樂爲救他故捨而無吝求法無倦便能
了知經論籌量世法止惡慚愧進善堅固能真供
佛

成淨信者有信功用

疏七釋文者十行分九慈悲合故今初信行分二
一攝德成人

能信如來本行所入

疏二能信下。正顯信相。有十一句。文分三別。初句總信因果。次九別明因果。後一結畧顯廣。今初如來是果。本行是因。所入通因果。因果皆有證入義故。

信成就諸波羅蜜。信入諸勝地。信成就力。信具足無所畏。信生長不可壞。不共佛法。信不思議。佛法。信出生無中邊佛境界。信隨入如來無量境界。信成就果。疏二信成就下。別明因果中。前二句因。初句行體。後句行能。餘七是果。句雖有七。攝爲五勝。合初三。故并結有六。五皆佛德。故名爲勝。五中前四智德。

後一斷德。智中一對治勝。卽寄對顯勝。謂十力降魔。無畏制外。不共過小。故云對治。而經云不壞者。爲對二乘。非究竟故。次三當相顯勝。二卽不思議神通力。上勝所現。絕圖度故。三不雜染勝。謂證真生智。無中邊雜。是佛之境故。以卽邊而中。故無有邊。二邊旣無。中云何有。四一切種智勝。證真了俗。故云隨入。無量差別。是種智境。五離勝。一切煩惱習。常遠離故。經但云果。而論判爲斷德。以前四皆果。今復云果。明是果果。故當涅槃。鈔并結有六者。結文是疏科經。論主不科。但云此菩提所攝本。

行入有六種勝。是故信勝。今依疏前科。則釋中唯五。故云并結有六。所以論取結者。結中有果。同前五。故若爾。結中有因。何不對之。初立三因。答以破中間五果。隔越。故然。皆信爲句首。疏以易見。故不牒經。二不雜者。論唯標名。下便以經帖合。謂證真下。疏先通釋。後以卽邊下。別釋無中邊言。遠公釋有二義。一約染淨事法辨。二約有無法理辨。今初然論經云。無中邊。此公云。生死此邊。涅槃彼邊。聖道爲中。今觀生死本性不有。卽無此邊。涅槃如故。亦無彼邊。兩邊旣無。聖道亦寂。無有中間。二約有

無法理辨云。有爲此邊。無爲彼邊。非有非無。說以爲中。有卽非有。故無此邊。無卽非無。故無彼邊。兩邊盡泯。中間亦亡。故無中間。然此二釋。約法小異。義旨皆同。二邊中道。三法皆立。以爲所遣。以性空遣。二邊相待。遣中道。今之所釋。畧有二異。一者中邊語通。則有無染淨一異。斷常生死涅槃若離若合。皆是二邊。中隨二邊。亦有多義。二者以中遣邊。以邊遣中。待絕雙亡。故皆本無。餘如前說。

舉要言之。信一切菩薩行。乃至如來智地。說力故。疏三舉要下。舉畧顯廣。故總信一切因果智地。是

撰述

華嚴疏鈔卷之五

辨

證說卽是教。力通上二。或謂威力。亦是三輪化益。鈔亦是三輪化益者。智地意業。說卽口業。力卽身業。身威力故。

沙門大持領募。并自捨銀五兩六錢。入分方擇。寔甲。文貞各一錢。行林九十文。真慈。清界。大茂各五分。照梵。達斯。智求。戒鎧。普觀。顏氏各三十文。顯用。悟云。海宸。照詮。通曉。行徽各二十文。普融。祖原。眞月。寔信。祖頌。大觀。際眉各十文。師。薩。荀。諱。大持者。初領梵行品。久而不至。此品已屬他人。將落成。懷資以來。詢知權爲。外學教授。卽以贖資完願。是以德雲而兼童子。師眞華嚴善友矣。改劫此卷。禩胤撰筆記之。

大方廣佛華嚴經疏鈔卷第三十四之五 畢

大方廣佛華嚴經疏鈔卷三十四之六

于闐國三歲沙門實又難陀 譯
清涼山大華嚴寺沙門澄觀撰述

佛子。此菩薩復作是念。

疏第二雙辨慈悲二行中二。先明三觀爲方便。後菩薩見諸衆生下。明所起之行相。前中三觀卽爲三段。第一遠離最上第一義樂觀。第二而諸凡夫下。具足諸苦觀。三然諸衆生下。彼二顛倒觀。但失眞樂。已爲可愍。况加妄苦。况復雙迷。反本何日。由初觀故起慈。由次起悲。由後雙起。今初觀者。性

支那

華嚴疏鈔卷三十四

一

七

淨深寂名第一義。不動爲樂。隨妄則離。文中先總標起念。鈔前中三觀下。疏文有二。先明三觀。卽是唯識真樂。本有失而不知。妄苦本空。得而不覺。於三段中。初卽真樂。本有二。卽妄苦本空。二卽不覺不知。然其初一卽性淨涅槃。下釋云。三祇方得者。方始契故。故得宜言證涅槃之樂。樂中精極。故云最上。殊勝無加。故曰第一。有大義利。故名爲義。今疏下文。約所證釋。但失真樂下。明爲方便。於中有二。初立理顯過。言已爲可愍者。則顯後後。則深於前前。但失樂而可慈愍之。方更具苦。故須拯拔。

況復雙迷於彼二法。迷謬顛倒。苦處計樂。樂處計苦。故增妄苦。難反真樂。云反本無期。後由初觀故下。別明所起可知。先總標起念者。菩薩乘前信解佛法。故念法甚深。以甚深故。衆生失之。以失深樂。故可憐愍。

諸佛正法。如是甚深。如是寂靜。如是寂滅。如是空。如是無相。如是無願。如是無染。如是無量。如是廣大。疏後諸佛下。顯所離樂。於中九句。初總餘別。總云佛法者。唯佛教證。所能顯故。具下諸義。所以甚深。別有九種甚深。今經闕論第九難得。一寂靜甚深。

謂法體離於妄計實有。故名寂靜。自是妄計。於中正取非本不寂。中論云。虛誑妄取者。是中何所取。此一約遮詮。二寂滅甚深。此約表詮。論云。法義定。故謂一心體寂。故云法定。二門亦寂。卽是義定。鈔一寂靜甚深者。然論一時列其九名。後方重釋。初云寂靜者。離妄計實有故。妄計正取故。疏離二句釋之。以初句爲順釋。寂靜。從自是妄計下。以下句反釋寂靜。下引中論證上二義。卽第二卷第十。二行品初。小乘有問。論主答云。如佛經所說。虛誑妄取相。諸行妄取故。是名爲虛誑。謂第一實者。卽

是涅槃。虛誑妄計。卽是虛妄之相。何得言一切皆空。故龍樹以此偈答。上半正答。旣無所取。卽是空義。下半爲釋前偈。佛說虛誑妄取。正是說空。若不空者。不名妄取。應名真實。故今但用上半證。今論中妄計正取。此一遮詮。顯二是表。又第一離妄。第二顯法體。是故論云。法義定。故謂一心等者。卽起信意。彼論立義分云。摩訶衍者。總說有二。一者法。二者義。故今疏云。法義定。故彼論釋法云。所言法者。謂衆生心。是心卽攝一切世間出世間法。依於此心。顯示摩訶衍義。何以故。是心真如相。卽是摩

異述
華嚴疏鈔卷之六
訶衍體故是心生滅因緣相。能示摩訶衍自體相。用故釋曰。今疏云一心。卽總攝二門。言體寂者。正取前是心真如相。卽是摩訶衍體。順經寂滅故。言二門亦寂者。二門卽是解釋分中。然此立義分中。向所引法。已有二門。則真如門示一心體。生滅門中。總示三大。然彼論中釋云。所言義者。卽體大相。大用大。今欲明於立義分中。已具二門。故說二門。已爲義也。是總心中之所以故。故明三大。但是生滅門義。二門之義。義則寬矣。三大二門。前來頻引。疏次三甚深對治三障。成三解脫門觀。謂二治妄

分別障。四治有相障。五治取真捨妄障。鈔三治妄分別障等者。此三釋有多門。如下六地。遠公云。分別卽是妄想心體。相卽分別所起事相。取捨卽依分別取捨。順境貪求。故願取。違境厭背。故願捨。亦可約三性說。分別卽徧計所執。古譯爲分別性。故相卽依他起。取捨卽取圓成之真。今治三性之執。成三無性。故爲解脫門。畧無甚深之言。二云空甚深。四無相甚深。五無願甚深。疏六明離雜染觀。謂真方便道。鈔此治證道障。卽得真證道。六窮終妄想緣智。名爲離染真智殊。

彼故名爲離以無所得而爲方便名真方便亦兼顯方便道及後不住卽爲四道。

疏七不可等數思量生善根觀故卽是助道八依自利利他增上智觀故云廣大卽不住道。鈔卽不住道者自利大心不住生死利他廣心不住涅槃論經但云如是無上而論釋義卽是今疏疏九論云難得甚深三僧祇劫證智觀故卽是證道證性淨信故今廣大攝之大稱體故與證義同前二直就法體後七約智顯深故皆云觀而諸凡夫心墮邪見。

疏第二具足諸苦觀約十二緣明之然十二緣見業惑苦但云苦觀者業惑苦因故又二流動當相卽苦動卽有苦故文分爲二先別明緣相後如是衆生下結成妄苦前中分二初明前際三支後於三界田下顯中後九支故論王分前三支一處解釋後十及結一處解釋欲顯前三是因因是倒惑邪見義同故識支約種是因義故亦顯前二前二與次七次八許異世故約果結苦苦義顯故。鈔然十二緣下問答顯意問意可知從業惑苦因下答有二意此是以因從果名苦故六地中盡屬苦

樹。又二流動下。業惑是行。行是五陰體。卽苦故。動卽有苦。引起信證。卽三細之初云。一者無明業相。以依不覺。故心動。說名爲業。覺則不動。動則有苦。果不離因。故釋曰。今疏意云。細中之細。尚當相是苦。何況籠者。遠公亦云。苦過重。故偏舉前中分二下。疏文有三。初科爲二。故論王下。引證爲二。三欲顯前三下。出爲二。所以。曲有二意。一依因果分。前三爲因。識有二義。爲因屬前。爲果屬後。故前三竟。猶言後十者。識爲果故。亦顯下。二復是一意。亦通妨故來。謂有問言。前三是因。因在一處。後十之中。

夔取有因。那與果同。故有此意。爲揀唯識。唯識論云。十因二果。定不同世。前七次三。或同或異。若二。三七各定同世。二卽生死。三卽夔等。七卽前七。今前二三屬於過去。次七及八。屬於現前。卽前七支不定同世。故云許異世。故若遠公通夔等爲因云。以能增長未來苦果。故與果同。若爾前三何不從後說爲苦耶。答云。過去已起。因果定。故雖有此通。故今疏云。非獨因果。要分爲二。欲顯前七。可分二。故約果結苦者。此釋論王明其結過。與後十支同。處解釋。通意可知。

疏今初三支。文有十句。初總餘別。總云邪見者。前明正法。理本無偏。今迷彼實義。理外謬取。皆名邪見。通於業惑。非獨撥無因果。涅槃亦云。一切煩惱。邪見攝盡。鈔總云。邪見下。初正明邪見。文中有二。一籠二細。籠則撥無因果。細則理外推求。籠亦名別。細亦名通。通則通諸煩惱。今是通是細。非別非籠。涅槃亦云下。第二引證。卽三十五迦葉菩薩品。因說隨自意等三種語故。文云。善男子。如來或時爲一法故。說無量法。如經中說一切梵行。因善知識。則已攝盡。如我所說一切惡行。邪見爲因。

一切惡行。因雖無量。若說邪見。則已攝盡。釋曰。惡行通於一切業惑。故云一切煩惱。邪見攝盡。疏本在其中。云何言墮。此有二義。一約始起。一分名之爲墮。二約迷真隨妄。義說爲墮。非有始也。真雖本有。迷亦無初。相依無性。故名爲真。若定有真。真還成妄。若爾。真應同妄。互相依故。妄必可斷。真必可顯。斯則不同不空之真。非由妄故。但空妄執。自見真源。鈔本在其中下。二釋心墮言。亦通妨難。上卽難詞。煩惱無始。何有初墮。若有初墮。則有未墮邪見之時。此有二義下。答有二義。初義易了。

謂於一身身心澄靜念慮瞥生卽名爲墮。二約迷真下。正通無煩惱之難。真是所迷。妄是能迷。既有能迷義如墮耳。故妄與真皆無始也。言相依無性者。雙遣真妄言相依者。依真起妄。因妄說真。若無能迷。所迷不立。安得有真。依真有妄。故妄無性。依妄說真。真豈定有。故云相依無性。則能所俱空。若定有真下。反成真義。離妄說真。定性有故事外真。故若爾已下。躡迹起難。難上相依無性之義。同妄無性。應可斷。故妄必可斷下。答上約不異。難令可斷。今約不一。若真叵斷。如波與濕。雖互相依。波則

可滅。而其濕性不一不異。真妄俱成。此是一意。不空之真下。復是一意。上依空真。則同於妄。不空真性。非對妄論。卽此空有。非一非異。方爲微妙之真。恐難無窮。故下結云。但空妄執。自見真源。分別不亡。皆成妄惑。謂如復禮法師有遺問云。真法性本淨。妄念何由起。許妄從真生。此妄安可止。無初則無末。有終應有始。無始而有終。長懷情斯理。願爲開秘密析之出生死。今疏末句。正示秘密。故應總酬其問云。迷真妄念生。悟真妄則止。能迷非所迷。安得全相似。從來未曾悟。故說妄無始。知妄本自

眞方是恒常理。分別心未亡。何由出生死。然疏文
中理已具矣。但云無始而有終。長懷慚斯理者。則
法相事。而例難之。今云有妄卽眞。則同無終始。若
分別說。應有四句。眞理則無終無始。妄念則無始
有終。眞智則無終有始。瞥起妄念。有終有始。若約
圓融。同無終始。旣無終始。亦復無有無始無終。唯
亡言絕想。可會斯玄。

無明覆翳。立憍慢高幢。入渴愛網中。行詭誑稠林。不
能自出。心與慳嫉相應。不捨恒造諸趣。受生因緣。

疏後無明覆翳下。別有九種邪見。初五無明。次三

是行。後一識支業及識種。亦名邪見者。義如前說。
又邪見俱故。邪見引故。所以無明具多句者。一切
煩惱。謝往過故。總名無明。故今委說。又顯一切煩
惱。皆能發潤。而發業位。無明力增。故名無明。今
初五中有二。初二根本。迷法義過。後二爲末。追求
時過。今初前一迷法。後二迷義。故論總云。此三依
法義妄計。如是次第。斯則妄計之言。通上法義。亦
可妄計。別對第二。妄念邪見。鈔故論總云。下上
取義總科。此下第二。引論爲證。然論前別列九邪
見。竟重復牒釋云。是中蔽意邪見。憍慢邪見。妄念

邪見。此三邪見。依法義妄計。如是次第。是故疏言。論總云也。斯則下疏釋論。乃有二義。初義意云。法上妄計。故有蔽意。義上妄計。故有後二。卽爲次第。亦可下是第二意。則以一法二義。二妄計而爲次第。下疏偏用初意消文。故云次二迷義。

疏初一句是蔽意邪見。此依迷法。謂無明任地。迷覆法體。所言法者。謂衆生心。名爲蔽意。故此無明迷真之初。妄惑之本。次二迷義者。通四任惑。由前癡故。迷覆因緣。無我之義。妄立諸法。所迷諸法。有內有外。謂第二憍慢邪見。此依迷內。妄立我法。自

高陵物。故經云。立憍慢高幢。二入渴愛網中。卽愛念邪見。此依迷外。妄謂我所及外境界。而生貪愛。如渴鹿馳。魚爲網纏。如今愛支。鈔初一句等者。疏文有五。一指經立名。經云無明覆翳。二此迷法者。卽論總示其體。三謂無明下。疏雙釋經論之意。四所言下。引起信論釋蔽意言。以論經云。無明凝暗。蔽其意識。故五此無明下。結成根本無明。故諸經論。皆言無明無因。老死無果。唯有無明。橫從空起。不可復原。六地經云。不了第一義諦。故名無明。若依起信。卽是根本不覺。亦是自性清淨心。因

無明風動有其染心也。次二迷義者。見一切處位地。二欲愛住地。三色愛住地。四有愛住地。上無明住地。卽當第五。一五通三界。二三四卽如次欲色無色。此上總是惑體。由前癡下。釋迷義。因緣生法。離我所。今由有我。故立我所。我所卽法。卽愛念邪見者。未得希欲。說之爲念。已得深著。說之爲愛。其渴鹿喻。未得希欲。其網魚喻。已得之愛。而言如今之愛支者。過去無明。亦有如今之愛取故。疏四行。誑誑下。二種邪見。追求時過。如今之取支。故俱舍云。徧馳求名取。由上內計有我。外見我所。

以我對所。便生三過。一初句於可得處起誑誑邪見。誑誑。屈曲。虛而似實。故喻稠林。不能自出。二於不可得處。則生忌嫉。三於已得處。則生慳吝。上二卽第五慳嫉邪見。經云。心與慳嫉相應。不捨由嫉他身故。生卑賤中。形貌鄙陋。由慳財故。資生不足。故云恒造諸趣受生。因緣。鈔由上內計下。躡前生起。論經無慳。則唯二過。今加一慳。故第二中。有二過。合成三過。一初句下。釋第四邪見。誑謂罔冒於他。矯設異儀。險曲爲性。能障不誑。教誨爲業。謂誑曲者。爲罔冒他。曲順時宜。矯設方便。爲取他。

意或蔽已失。不任師友正教誨故。詎謂爲獲利譽。矯現有德。詭詐爲性。能障不矯。邪命爲業。謂矯誑者。心懷異謀。多現不實。邪命事故。釋曰。以上論文。明知此二皆虛似實。然此二惑。俱以貪癡一分爲體。由嫉他身下。釋經恒造諸趣受生因緣。然論經無慳。而云常懷嫉妬。而作後身生處因緣。論釋云。妬者。於身起邪行故。嫉者。嫉於資財等。是故生生之處。墮卑賤中。形貌鄙陋。資生不足。釋曰。今但以慳對嫉。以嫉對妬。配屬分明。然嫉與妬。有通有局。若玉篇云。忌賢曰嫉。忌色爲妬。忌色卽是身過。今

嫉於財。却叅慳義。故按經釋。然論釋意。此二招於別報。故經云。後身生處。因緣。今言諸趣受生。因緣。言含總報。

貪恚愚癡。積集諸業。日夜增長。以忿恨風吹。心識火熾。然不息。凡所作業。皆顛倒相應。

疏次三。明行中。初貪恚下。集業邪見。由前追求。增長煩惱。起業行過。鈔次三。明行疏文。有十一。此句總標。初貪下。別出三中。初句。經至積集諸業。日夜增長。由前下。躡前追求。總釋三句。疏此句總明。由惑造業。故六地云。不正思惟。起於

妄行亦是行俱無明。正發業故諸業非一。是爲橫集。日夜增長。復顯豎集。然集業因。由於三毒。故云貪恚愚癡。三毒緣於三受。故論云受諸受時。愛憎彼二顛倒境界。故謂樂受生愛。苦受生瞋。癡從中容。故云彼二顛倒之言。通於上三。皆由無違順中。妄謂有故。鈔此句下。別舉初句。故六地下。引例釋。由惑起業。然彼但躡無明。今通貪等。通別有異。亦是行俱無明者。再釋貪等。前釋舉於發業。無明有於行前。今舉正發業時。所有諸惑。皆名無明。覆蔽於業。不知過故。諸業非一下。釋餘經文。然集業

下。牒論解釋。於中有三。初躡經文。生起論意。謂經云三毒起業。而論云受諸受時者。因受生毒。故次故論下。正引論文。後謂樂受下。疏釋論意。

疏然愚癡無明。行相何別。愚卽遲鈍。多所封著。癡者迷闇。不別是非。皆對現境。不緣三世。緣二世境。而不了達。乃名無明。不見未來。發現業故。通義可知。鈔然愚癡下。揀法同異。

疏次二別明行支中。初句明吹心識火。熾然邪見。卽內心思業。爲煩惱風動。謂於怨恨時。互相追念。名爲忿恨。此思之始。欲起報惡業。故云熾然不息。

此思之終思通諸惡而殺業在初故偏云忿恨下
加害亦然。鈔次二別明卽內心思業等者此畧
釋經然經云心通相而說亦是舉於所依心王今
云思業別舉業體以論經云吹罪心火故舉思業
謂於怨恨下論釋其中此思之始及此思之終是
疏釋論餘皆論文。
疏八起業邪見卽兼動身口故云凡所作業論云
於作惡時迭相加害故由創造業業不離倒故曰
相應。
欲流有流無明流見流相續起心意識種子。

疏三欲流下第九心意識邪見明所引識支以其
識支通因果故經欲具明故具顯因果論欲分析
故先明識種。鈔明所引識支等疏文有二初標
名示體此依能所引生明之如十藏品及六地廣
說以其識支下二出經論意通因果義次下當明
今取前三爲因故取識種。

疏心意識三名有通別已如前釋今此文中義合
通別別謂心是識種意識通餘四種種子之言揀
異現行謂五果種。鈔心意識三下三釋文於中
有四一釋心意識名言如前釋者卽問明品言意

識通餘四種者。識卽前六識。是六處種。六識必合於觸受。是觸受種。除上四外。皆名色種。故云通四。疏誰能起。此謂善惡業。無記非因。故此不論善業。云何復生苦種。以與欲等四流相應。今施戒等。皆是有漏。非無念智。無有斷期。若爾。何不名爲起業種子。理實俱通。望苦樂報業爲正種。望生心體。識爲正種。以就本性。一切生死。皆心起。故如芽肥瘦。由於水土。而生芽者。正在穀子。故諸經論互說二種。鈔誰能起下。二釋起字。無記非因者。但招別報。不招總報。故如九地說。後理實下答。有法有喻。

並如六地所明。故諸經論者。總指唯識論具二。以業種爲增上緣。識種爲親因緣。今此經中卽說識識受六道身爲種。如中論云。衆生癡所覆。爲後造。三行。以有此行。故識受六道身。卽以業爲因耳。疏上明前際三支竟。

於三界田中。復生苦芽。所謂名色共生不離。此名色增長生六處聚落。於中相對生觸。觸故生受。因受生愛。愛增長故生取。取增長故生有。

疏第二明中後九支。鈔第二明中後九支者。亦可言十。義如前說。隱現行識。卽言九耳。下當廣明。

疏然論兼結文總分三段。初明自相。二有生故下同相。三是中皆空下顛倒相。鈔然論兼結文者。其結一文。卽疏科經。卽前具足諸苦觀。初以約十二緣明苦。故總科云。文分爲二。先別明緣相。後如是衆生下。結成妄苦。就前方開爲二。初明前際三支。後辨中後九支。今論乃於中後九中。籠取結文。分爲三段。若直就文。此下兼第三。彼二顛倒觀。總應分四。一示九支緣相。二是衆生下。結成妄苦。三是中皆空下。明緣體空。四取彼二顛倒經文。結成迷惑。其第四段。是第三觀。今爲順經。就前三段。

開初一半爲二。合後半及第二爲一。以第三爲一。故亦有三。就疏之中分三段。初列三名。

疏言自相者。現在名色等支。體狀別。故言同相者。釋有二義。一未來二支。亦同現在。有名色等故。二約果相。顯緣起過患。通徧果位。故名爲同。猶如色等。礙等爲自相。苦等爲共相。共卽同也。是則現在亦有同相。未來非無自相。但隱顯耳。此釋順論。論云。二同相。謂生老病死等過故。二顛倒者。緣體是空。執有是倒。鈔釋有二義者。初卽遠公義。二卽今疏正意。猶如下。二引例釋。尋常自相共相證成。

則自相全同同相寬狹不等此唯約因緣故狹彼
通有爲故寬然緣起過患卽同無常等是則現在
下三結成隱顯未來隱自相顯同相者今厭當果
絕現因故。

疏今初自相復有三種一者報相二不離二字是
因相三此名色下彼果次第相言報相者卽初受
生異熟識體共名色生故論云報相者名色共阿
賴耶識生此含識支一半名色支全故攝論云本
識有二相一自相謂本識自體二因相謂種子識
三果相謂異熟識此意明爲因義邊名種子識卽

前約因識支爲果義邊名異熟識卽此報相名色
所依若不望因果直語自體名爲自相今論因相
却是彼中果相立名雖殊並通因果鈔言報相
下別釋初相疏文分五一正釋報義異熟是三界
報體故共名色生明是果報故論云下引證異熟
識是報相義攝論云下四引證三相於中有三初
引論列名卽第二論所知依品第二論曰如是已
說阿賴耶識安立異門安立此相云何可見安立
此相畧有三種一者安立自相二者安立因相三
者安立果相初謂依一切雜染法所有熏習爲彼

生因由能攝持種子相應。二謂卽如是一切種子阿賴耶相。於一切時與彼雜染品類諸法現前爲因。三謂卽彼雜染品法。無始時來所有熏習。阿賴耶識相續而生。釋論中言。分析此識自相應相。以爲二種。因果異故。釋曰。初謂依一切下論。自釋相卽今疏文。此論意明下。二釋彼論意。撮畧言耳。若不望因果者。識之自體。雙含因果。分出因果。卽是二相。不分因果。卽是自相。故上釋論云。分析此識自相應相。以爲二種。因果異故。是則自相爲總。因果爲別耳。今論因相下。第三會釋。二論間因果相

殊。云何此因而是彼果。答。今以果識爲名色。因非以種子爲現識。因是故名殊。而體一也。故此中三相。而初二皆是攝論果相。此論果相。自是名色之果相耳。立名雖殊者。明引彼三相。非證此三。但明此識通於果耳。因如前段。

疏經云。於三界田中者。是所生處。下六地中。約因位說。業爲田。以識爲種。今約果位。故以三界爲田。生前識種。復生苦芽者。標所生報。前三支因。必依苦果而起。今更生苦。所以稱復。此顯展轉無窮義。疏所謂已下。出苦芽體相。論云。名色共生者。名色

共彼生故謂名色共彼本識生也。恐人謬取名與色共。故有此言。名謂非色。四蘊色謂羯邏藍等。此二與識相依而住。如二束蘆更互爲緣。恒時而轉。不相捨離。鈔所謂名色下。出苦芽體者。文三。一牒經總標。經云所謂名色共生。謂名色共彼下。疏釋論中彼字。卽賴耶故。於中有三。初總顯論意。此二與識下。顯共生義。束蘆之義。六地當釋。卽前所引攝論次文云。阿賴耶識與彼雜染諸法。同時更互爲因。云何可見。譬如明燈燄生燒。同時更互。又如束蘆互相依持。同時不倒。釋曰。燈炷生燄。

燈燄燒炷。互爲因果。正是果識爲名色。因義。

疏二不離是因相者。卽顯本識爲名色。因。謂是名色不離彼本識。依彼本識故。旣依此釋。定知此段具於二支。謂識及名色。鈔二不離是因相者。牒經標名。卽顯本識爲名色。因者。疏釋因言。謂是名色下。論釋其相。言名色不離彼本識者。論王釋經不離之言。非是不離名色有六處也。顯上句中共生爲不離耳。依彼本識故者。論王自釋因相言也。旣依此釋下。疏家按定。明此自相。因相中有識支及名色支。不同古釋。唯取同名色支。識支在前。邪

見中故名色依起者依彼本識因生耳。

疏三彼果相者是彼報相名色之果由名色增長成餘八支非別有體初成六處者名增成意處色增成餘五次六處增長成觸言於中者於六處中有根境故餘因緣義廣如六地鈔三彼果相者卽此名色增長下經前已科出故此畧無牒經疏中但釋彼果揀非報相而爲果體今取六處等是報相名色果耳上言次第者名色生六處六處生觸等次第不亂故恐繁指後

有生故有生老死憂悲苦惱如是衆生生長苦聚。

疏二同相中生及老死正顯同相鈔二同相中論主易故不釋疏文亦顯然六地中名爲苦樹廣有其相。

疏如是已下總結成苦何處是苦此有三重一論將入同相中則以生老憂悲苦惱明於苦聚文義顯故二近結於果名色共生此明苦生餘八苦長三遠結十二前二支半爲能生長後九支半爲所生長鈔文義顯者文卽此中有憂悲苦等唯識論云老死位中多無樂故此是他文言義顯者生死是苦憂悲之苦最明顯故故爲同相

是中皆空。離我我所。無知無覺。無作無受。如草木石壁。亦如影像。

疏三顛倒相中。言是中者。是前十二緣中。皆空已下。明倒所以。由空謂有。所以名倒。此有四重。一緣成無性。所以言空。二離我我所。釋成空義。離我人空。離所法空。三無知下。釋無我。所以四以外事。釋無知覺。三中四句。通外及小。

疏初約外道。外道雖衆。不出僧法。及與衛世。僧法說覺。以爲神相。衛世說知。以爲神相。今無知覺。成上自體本無。有我作受二句。通於能所能作能受。

故是於我所作所受。卽是我所在。因名作。在果名受。今但緣成。故無作受。鈔僧法說覺者。卽百論破神品第二中。外曰。實有神。如僧法經中說。覺相是神。次論復云。優樓迦弟子。誦衛世師經言。知與神異。是故神不墮無常中。亦不無知。何以故。神知合故。如有牛人。注云。譬如人與牛合。人名有牛。如是神知情塵意合。故神有知。生以神合。故神名有知。釋曰。上卽論立。今但云無。不說無之所以。所以廣如前後。今當畧說。論破僧法云。內曰。神覺爲一耶。爲異耶。外曰。神覺一也。內曰。覺若神相。神無常

故釋論云譬如熱是火相熱無常故火亦無常今
覺實無常相各異故屬因緣故本無今有故已有
還無故外曰不生故常意明神不生故內曰若爾
覺非神相意云覺無常神常無常不應與常爲相
故彼疏總釋云此二相違凡有三對一神常覺無
常二神徧覺不徧三神一覺衆此初段中正就二
對生過神一覺衆在第三重中方破就初對中有
四種過一以神從覺神則無常二以覺從神覺應
是常三若不相從體卽不一四必欲令覺是神神
則二種常無常也亦言覺不覺也今結四過之中

經文有一二是破覺不應有之三四畧無餘如彼
論二破衛世先破其喻云內曰牛相牛中住故非
有牛中釋曰有牛是人與牛合牛不是人神與
知合知不是神何得爲相次破其法云汝言神情
塵意塵意合故知生是知知色等是故但知能知
非神知譬如火能燒非有火人燒斯則知爲神相
義不成矣今云無知

疏若約小乘就五蘊說受蘊名覺三蘊名知
若約小乘等者受蘊名覺覺苦樂等三蘊名知想
取於像行有欲勝解等皆是知義識義更明色非

此二。

疏約六根說身識名覺餘五名知。五陰造業故名作者。當陰招報名爲受者。今並遣之。鈔約六根說者。若約別明眼見耳聞鼻舌身三名覺。意根曰知。今取觸塵對之爲覺。餘五說之。

疏現有知覺。云何言無。隨俗故有。約真故無。又心法有四。一事。二法。三理。四實。謂隨境分別見聞覺知名之爲事。論體唯是生滅法數。故名爲法。窮之空寂。說以爲理。論其本性。唯是眞實。如來藏法。故名爲實。此四重中說。初卽說知覺等名。若就後三。

卽無知等。鈔現有知覺下。通外難。先難隨俗故。

下。答卽中論意。又心法有四下。亦答上難。於中有

二。先舉法相。此四卽同唯識第九四種勝義。一世

間勝義。謂蘊界處等。二道理勝義。謂苦集等。三證

得勝義。謂二空眞如。四勝義勝義。謂一眞法界。廣

如玄中。今文先列名次。謂隨境下釋相。此四重下。

二結酬其問。汝現見有。但是初門。今約後三。故言

無也。又以第二破其初一。則事非事矣。若以第三

破其前二。前二俱無。若以第四拂其空相。空亦不

立。方名爲實。又三以空遣有。四以實遣空。空實無

撰述
對廣疏鈔卷之六
礙知卽無知。然破我與法廣如於前諸會經文。
疏四如草下。以彼外事喻。釋無知覺等。以諸衆生
現見有於動止語言。云何說言無知覺等。故以外
物動不動事。示無知覺。草木則動。石壁不動。皆無
知覺。故內動止。豈當有之。淨名云。是身無知。如草
木瓦礫。言亦如影像者。顯從緣有。似而非真。卽雙
喻二諦。若準論經。無影像喻。而有如響。可喻言聲。
而無知覺。鈔可喻言聲者。此喻亦是遮救。無知
謂無情之物。動與不動。固無知覺。衆生是有。安無
知覺。故引響喻。因心發聲。扣谷發響。響無知覺。情

發亦然。

然諸衆生不覺不知。

疏第三然諸下。彼二顛倒觀。妄苦本空。得而不覺。

樂本有。失而不知。而遠樂就苦。名彼二顛倒。

鈔彼二者者。有三意。一。迷真隨妄。卽是顛倒。二。由

迷真故。於樂計苦。由隨妄故。於苦計樂。三。不識真。

故遠之。不知妄故隨之。故論經云。不覺不知。而受

苦惱。雖有三重。其旨一也。故疏文中。前後互出。

疏上來三觀。爲方便竟。

菩薩見諸衆生。於如是苦聚。不得出離。是故卽生大

悲智慧復作是念。此諸衆生。我應救拔。置於究竟安樂之處。是故卽生大慈光明智。

疏第二菩薩見下。正起慈悲。初明與悲。謂見苦應拔。後復作下與慈。謂無樂應與。旣言具苦。必知無樂故。鈔旣言具苦者。此遮妨難。恐有問言。慈是與樂。經中但言見生有苦。何言與慈。故通云爾。然經慈悲二觀影畧。悲中覩境。却無拔濟之言。慈中關於覩境。却無拔濟之語。二觀同緣有苦。故生慈。下重舉前境。以明拔濟。成上之悲。置安樂處。生下之慈。義皆足矣。

佛子。菩薩摩訶薩隨順。如是大悲大慈。以深重心。任初地時。於一切物。無所吝惜。求佛大智。修行大捨。

疏第四修行文三。初總明修行。二別顯施物。三總結行。成今初文有五句。一明施所依。以見有苦無樂故。二以深重下。彰其施位。此地檀度得圓滿故。契理曰深。不捨悲願爲重。此心任地。故能滿檀。三於一切下。明施體相。四求佛大智。顯施所爲。五修行大捨。結施行名。鈔一明施所依者。卽經隨順。如是大悲大慈。則能拔其苦。能與其樂。若別說者。財施拔現貧苦。與現富樂。法施拔其當苦。與出世

樂無畏拔現恐怖與安隱樂文中就初多明於財而言大捨又云凡是所有則兼具矣。

凡是所有。一切能施。所謂財穀倉庫。金銀摩尼。真珠瑠璃。珂貝璧玉。珊瑚等物。珍寶瓔珞。嚴身之具。象馬車乘。奴婢人民。城邑聚落。園林臺觀。妻妾男女。內外眷屬。及餘所有珍玩之具。頭目手足。血肉骨髓。一切身分。皆無所惜。

疏二凡是所有下。別明施物。偏顯上文一切無吝。於中初總。後所謂下別。別顯一切。畧有二種。一者外財。二者內財。謂頭目等。文顯可知。鈔二者內

財者。諸會已廣。易故不釋。論文甚廣。今當具出。論釋總句。凡是所有。一切能捨云。一切物者。畧有二種。一外。二內。次釋所謂下別中。先釋外。後釋內。外中更分總別。釋總句云。外者復有二種。一所用。二貯積。如經所謂一切財穀庫藏等故。如是次第。釋曰。此中財穀是所用。庫藏是貯積。經從金銀下別。論釋云。於中廣有八種。從金銀乃至一切所愛之事。一切所愛之事。即今經及餘所有珍玩之具。兼取後內。以為第九。釋云。是外事捨中。初捨為總。餘九為別。依此二種喜。一歡攝喜。二利益喜。歡攝喜

撰述 華嚴疏鈔卷之六 五
者謂金銀等利益喜者復有八種釋曰欲兼下內
共成二喜故標云外事有九不釋別中第八卽是
於內然八中次第異今依此經之次一嚴飾利
益喜謂珍寶瓔珞二者代步利益喜謂象馬車乘
三者代苦利益喜謂奴婢人民論當第四四者自
在利益喜謂城邑聚落論當第五五者戲樂利益
喜謂園林臺觀論當第六六者眷屬利益喜謂妻
妾男子內外眷屬七者堅著利益喜謂及餘所有
珍玩之具八者稱意利益喜謂頭目手足等後三
同彼論次

爲求諸佛廣大智慧。

疏二爲求下總結行成初結所爲。

是名菩薩住於初地大捨成就。

疏後是名下正結行成然初地中應具三施從增
勝說但舉於財故般若論二三地中方行無畏四
地已上乃行法施。

佛子菩薩以此慈悲大施心爲欲救護一切衆生轉
更推求世出世間諸利益事無疲厭故卽得成就無
疲厭心。

疏第五無疲厭行中分二初牒前起後二轉更下。

正顯行相。三卽得下。結其行成。下五行中。唯除第十顯相。卽是結名。餘皆具三。文處可見。

得無疲厭心已。於一切經論心無怯弱。無怯弱故。卽得成就一切經論智。

疏第六得無疲厭下。成經論智。

獲是智已。善能籌量。應作不應作。於上中下。一切衆生。隨應隨力。隨其所習。如是而行。是故菩薩得成世智。

疏第七獲是智下。成世智行。言隨應者。隨機所應。宜以何法。隨力者。隨已智力所能。隨他智力所堪。

隨其所習者。約機現作。論釋隨宜。言如論說者。卽瑜伽菩薩地菩提分品也。鈔隨機所應者。釋有三句。此句是總。下二句別。云何所宜。隨力宜。隨現習宜。現習宜者。如浣衣之子。應令修習。不淨觀等。成世智已。知時知量。以慚愧莊嚴。勤修自利利他之道。是故成就慚愧莊嚴。

疏第八成世智已下。明慚愧行。知時已下。正顯行相。時有三種。一者念時。如是時中。宜修定等。刹那不間故。二日夜時。晝則存心。初中後夜。皆勿廢故。三所作得。必不斷時。此卽知量。謂量力所能。亦愛

亦策勿令過分。後休廢故。以此三時。修前八科。二利之行。煩惱睡蛇。晝夜不雜。爲慚愧服。而自莊嚴。鈔知時已下。行相三句。知時知量。合爲一故。開時有三。第二時卽知量義。言如是時中。宜修定等。卽涅槃經。上已引竟。晝則存心等者。卽遺教經。經云。汝等丘比。晝則勤心。修習善法。無令失時。初夜後夜。亦勿有廢。中夜誦經。以自消息。無以睡眠。因緣。令一生空過。無所得也。當念無常之火。燒諸世間。早求自度。勿睡眠也。諸煩惱賊。常伺殺人。甚於怨家。安可睡眠。不自警悟。煩惱毒蛇。睡在汝心。譬

如黑蛇。在汝室睡。當以持戒之鉤。早併除之。睡蛇旣出。乃可安眠。不出而眠。是無慚人也。慚耻之服。於諸莊嚴。最爲第一。慚如鐵鉤。能制人非法。是故比丘。常當慚愧。無得躉替。若離慚耻。則失諸功德。有愧之人。則有善法。若無愧者。與諸禽獸。無相異也。釋曰。但觀所引。疏文易了。謂量力所能者。卽涅槃經。已如上引。亦如教首樓那調琴之法。言後便休廢者。起信論。修行信心分。彼約爲魔惑故。或卒起精進。後別休廢。今使勿令過分。則非卒起。亦不休廢。然疏三時。當相以釋。亦可此三爲初中後初

但明記次日夜勤修後方不斷。

於此行中勤修出離不退不轉成堅固力。

疏第九於此行中下成堅固力謂此即前慚愧二利行中欲早求度應當精勤不退自分不轉勝進

鈔謂此等者釋經於此行中以後三行攝護前

慚愧中已收前七門二利之行今之二利即前七也而是慚愧所護行中修堅固也欲早求度下正

顯行相之文此句總明堅固之體即前遺教之文不退自分下別釋堅固之相前經已引彌勒問經

得堅固力已勤供諸佛於佛教法能如說行。

疏第十得堅固下明供養行利養正行具二供養

鈔利養正行下上願校量中有二供養一利養

供養二恭敬供養三正行供養今以恭敬通上二

故但分財法

佛子菩薩如是成就十種淨諸地法所謂信悲慈捨

無有疲厭知諸經論善解世法慚愧堅固力供養諸

佛依教修行。

疏第三佛子下結十名體用先結體用所謂下結

名言體用者此十即是淨諸地法以治十障故障

如前說鈔第三佛子下疏文有二先釋文

疏然安住地分。有三十句。亦明信慈悲等。與此何異。論云。前是清淨地法。今盡是障地淨法者。前句文畧。若具應云。前是清淨此地法。以局初地故。今盡是障地淨法者。謂不局初地。故云盡是。盡淨諸地障故。故經云淨諸地法。瑜伽亦云。此十種法。於一切地能淨修治。故下諸地中。皆云信等。皆轉淨等。鈔然安住下。二棟法。亦致復重之問。文中有一。先問。前句文畧下。是疏釋論中無問。而但有棟具足。論云。前所說三十句。從信增上等。乃至常求上上勝道。是清淨地法。今此十句。從信乃至供養

諸佛。盡是障地淨法。是名修行校量勝。而遠公云。前是所淨。此是能淨。意云。前地滿故。能淨此法。故爲所淨。此中十行。若無此十。地不窮滿。故爲能淨。未爲得意。不順於論及瑜伽故。

○疏第三佛子菩薩住此歡喜下。果利益校量勝。有四種果。一調柔果。二發趣果。三攝報果。四願智果。釋此四果。畧啓四門。

疏第二釋名。通釋果者。地中滿足故。別言調柔者。謂調鍊柔熟。以供養攝化等。爲能調鍊。信等十行。爲所調鍊。由行供等。令信等調柔。隨意堪用。故

名調柔。下鍊金喻。其義甚顯。二發謂發進。趣謂趣向。於地滿中。更求明解。爲能發趣。發自此地。趣向後後。爲所發趣。下商人喻。義甚相似。三王位之身。酬因名報。因成納果。故名爲攝。四內證願力。教智自在。又以願力助智。令業用無邊。故稱願智。

疏三。明分齊。初二。是其行修方便。後二。是其報行純熟。行修唯在地滿。報行該於始終。從初住地。乃至地滿。所受王身。說爲攝報。所有作用。說爲願智。又初二後一。此地定有攝報一果。有無不定。容有不作。故云多作。而定能作。故亦定有。又初二果。亦

是地法。初行次解。是所修故。後之二果。唯果非法。初體後用。非所修故。是以經於二果之後。更有結文。云。畧說初地法門。不得此意。則似論家。謬取法門。濫爲果稱。鈔三。明分齊等者。疏文有四。初總標分齊。卽修非修分別。以修以報各爲分齊。行修唯在下。二約當地。初後相望。論其分齊。卽上二義。徧不徧故。又初二下。三約有無。論分齊。又初二果下。四約法果。論分齊。此意正爲論主通妨。謂安國法師。以見二果之後。有結文故。便以前二果。唯是地法。後二方果法。卽出心故。今爲通前二。通法通

果爲法易見。後有結故。爲果難見。故論判屬果。不
得此意下。結彈安國。

疏四辨通局。發起文局初地。以最在初故。義通十
地。通解十地。故餘三義局初地。報等殊故。文通十
地。地地皆有故。

佛子。菩薩住此歡喜地已。以大願力。得見多佛。所謂
見多百佛。多千佛。多百千佛。多億佛。多百億佛。多千
億佛。多百千億佛。多億那由他佛。多百億那由他佛。
多千億那由他佛。多百千億那由他佛。

疏第五釋文。四果卽爲四別。今初調柔分三。謂法

喻合。法中分四。一見佛爲鍊。行緣。二悉以下。所鍊
行體。三以前二下。別地行相。四是菩薩隨所下。鍊
行成熟。前中先總明。後所謂下。別顯總中。以大
願力。是見佛因。力兼神力。故瑜伽住品有二。因見
佛。一願二力。論經具二。論云。以勝通力。見色身佛。
以正願力。見法身佛。瑜伽正願得生。受用土中。常
得見佛。今云法身。卽功德法身。鈔今云法身者。
佛地一切智名法身。以約證如。十德勝故。見功德
身。又約未證如。未窮極故。眞實法身。非見相故。
疏別中云。見多百佛等者。論云。方便善巧。示現多

佛故此善巧有二。一不直云無量。而巧歷百千等數。爲方便顯多。二言多百者。是多箇百。多千等亦然。是爲一數之中。已攝於多。故名善巧。理實入華藏利海。見法界身雲也。鈔理實入下。上約寄位。此下顯實。卽願智果中意也。

悉以大心深心恭敬尊重承事供養衣服飲食卧具醫藥一切資生。悉以奉施。亦以供養一切衆僧。以此善根皆悉迴向無上菩提佛子。此菩薩因供養諸佛故得成就衆生法。

疏二所鍊行體中。以行入行。故名爲鍊。如金入火。然有三種入。卽分爲三。一入功德。卽供佛行。去薄福垢。亦兼供僧。二以此善下。入無上果。卽迴向行。去下劣垢。論當第三。意明通迴二行。三佛子此菩薩下。入大悲心。卽利生行。去懈怠故。鈔亦兼供僧者。已親證如真供養故。又此鍊行。真是修行。法供養故。故畧無耳。其供佛中。經文易故。疏畧不釋。論云供養者。有其三種。一恭敬供養。謂讚歎等。顯佛功德。二尊重供養。謂禮拜等。三奉施供養。謂華香等。卽衣服下文。其大心深心。卽能供養心。謂爲求佛。故云大心。心殷重故。名爲深心。疏以同上願

校量中供養願故皆畧無。去下劣者。論經是第二。論釋即當第三。

以前二攝。攝取衆生。謂布施愛語。後二攝法。但以信解力故行。未善通達。是菩薩十波羅蜜中。檀波羅蜜增上。餘波羅蜜非不修行。但隨力隨分。

疏三別地行相中。先約四攝。然四攝望前。猶是利衆生法。望後爲別地行相。以因利生之便。故於此明。下二地中。乃在鍊行成後。四攝雖不足全別地。爲是化生之法。故用之耳。愛語是法施。初地檀滿。故說二增。二約十度。然證相難分。寄十度等以

顯差別。各說一增。若不爾者。何不二地言二度增。檀度初地先已增故。乃至九地。應言九增。九地尚云餘。非不修。隨力隨分。顯寄明矣。是以具論諸地所行。畧有五義。一爲別地。各說一增。如今文是二。辨勝過前。初地檀勝。二地二度勝故。二地文云。遠離慳嫉。破戒垢故。乃至十地。十度皆勝。是則後後皆勝。前三論其實行。地地具修。四證理平等。非多非一。五約圓融。一具一切。鈔是以具下。總明義類。以成前理。其五約圓融。一具一切。更有三義。一約相資。檀義攝六等。二約相應。一念具修。三約

理融稱性。一多互相攝故。

是菩薩隨所勤修。供養諸佛。教化衆生。皆以修行清淨地法。所有善根。悉以迴向一切智地。轉轉明淨。調柔成就。隨意堪用。

疏四所鍊行成中。總收三入。初牒供佛化生。以爲能鍊。信等淨法。以爲所鍊。後舉前迴向能鍊。令信等淨也。言轉轉者。此之信等。於初地中。有三節淨。謂初任地時。證前緣修。令成真修。已是一淨。二行校量中。對除障法。復一度淨。今此地後。更歷三修。故云轉轉。鈔總收等者。此所鍊淨。有始有終。初

但明鍊。卽是其始。後舉迴向能鍊。令淨。卽是其終。故前論立以迴向居二行之後。先明自利利他。後迴向勝進故。言信等淨法。爲所鍊者。卽下論云。信等善法。猶如真金。數數入火故。

佛子。譬如金師。善巧鍊金。數數入火。轉轉明淨。調柔成就。隨意堪用。

疏第二喻中。金師喻菩薩。金喻信等。火喻供等。三行。三行非一。名數數入。調柔成就。喻鍊行成。金性本有。從緣始顯。信等修生。云何同喻。信等有二。一未證真前。但約緣修。爲對治行。妄識爲體。二證真

之後乃知信等非是今有。卽如來藏中恒沙佛法
真心爲體。真心爲體卽是理性。信等相殊說爲行
性。此二不二。並可喻金。雖假供等緣修以成真德。
德由真起。後成嚴具。亦不異金。旣了於真。真非妄
外。故全妄識卽是真心。寄相顯真。故分能所。鈔
信等有二下。解釋。釋開二門。地前之信。則不喻金。
證如之信。乃將喻金。如來藏中。爲惑所覆。如在鑛
中。地初一淨。卽已出鑛。地中地滿。皆是入火。此二
不二者。謂真心爲體。與信等不殊。更無有二。以真
心上離不信濁。故名爲信。二三無有違害。卽是慈

悲。四無慳爲施。五無懈。六無愚。七無不重賢。八無
不怖罪惡。九無有危脆。十無違佛教。故是十行。但
一真心。而爲二義。故無二體。並爲本有。故可喻金。
雖假緣修者。然第二義。自有兩義。一約所顯性德。
二約能顯緣修成德。如以知法性無慳貪故。隨順
修行檀波羅蜜。今成檀德。尅實分別。則初一義可
以喻火對治行故。所顯喻金成德。如嚴具金。且融
後二。以喻於金。以德因真起。故同所顯。故云後成
嚴具。亦不異金。嚴具喻於後地。廣如前說。今例皆
金。旣了於真下。復融初義。亦不異金。以初妄識爲

體今真妄交徹故。妄由真生。真該妄末。真非妄外。即妄徹真源。若爾則無能鍊所鍊。故云寄相顯真。故分能所。

菩薩亦復如是。供養諸佛。教化衆生。皆爲修行清淨地法。所有善根。悉以迴向一切智地。轉轉明淨。調柔成就。隨意堪用。

疏第三法合。準喻可知。

佛子菩薩摩訶薩。住於初地。應從諸佛菩薩善知識所。推求請問。於此地中。相及得果。無有厭足。爲欲成就此地法故。亦應從諸佛菩薩善知識所。推求請問。第二地中。相及得果。無有厭足。爲欲成就彼地法故。亦應如是推求請問。第三第四第五第六第七第八第九第十地中。相及得果。無有厭足。爲欲成就彼地法故。

疏第二發起果中。二初正明發起果。後佛子是名下。總結地相。前中有四。一法。二喻。三合。四結。法中亦四。一問。二知。三行。四到。知是明解。正能發起。然由問故。知所以先問。知意在行。行必能到。今初問中。具問諸地。初地已滿。而更問者。一問勝進。非問自分。二者一地之中。具攝一切諸地功德。故問

撰述
垂肩師金卷之六
所攝容許未知於中云相及得果者相卽隨諸地
中所有諸障及對治相故謂諸地能所觀相皆別
十地故得者卽正證出世間智故果者因證智力
得世間出世間智故相卽方便智得是根本果卽
後得後得緣俗故名世間無分別故復名出世又
此三者卽是三道初是無間與惑相翻二是解脫
正證無爲三是勝進後智進修不說加行者地前
加行非地攝故地上加行勝進收故言爲欲成就
此地法者當地法也後云彼地法者後地法也若
準論意成就地法卽是信等 鈔一問勝進者勝

進雖向二地修在初地亦得名爲問初地也相及
得果者是所得法相卽方便智下疏出其體卽同
如來加請中三漸次也言能所觀相者有其二義
一相差別故二能到地實故名爲相卽觀漸次觀
卽舉障顯治相則能所皆相二得卽證漸次三果
卽修行漸次又此三下三再顯法體開根本智以
成二道故不取加行地上加行者如欲入第二起
十種心此卽加行而是初地之勝進故意云勝進
旣是後得故非方便若準論意者今疏意明隨地
智差別地法而論云成就諸地法者所謂信等故

巽述
華嚴經金卷之六
是菩薩善知諸地障對治。善知地成壞。善知地相果。善知地得修。善知地法清淨。善知地地轉行。善知地地處非處。善知地地殊勝智。善知地地不退轉。善知淨治一切菩薩地。乃至轉入如來地。

疏第二是菩薩善知下。明知由問故。知不異問。經展問中相及得果以爲十句。

疏論攝十句爲五方便。言方便者。行修善巧也。

第一觀方便。觀謂觀解。攝初二句。諸地障對治者。以能治觀解。治十種障。立十地別。本文具之。此約所斷明觀。二地成壞者。攬行成位。集故名成。諸

行各在散故。名壞。此約所知明觀。鈔行修善巧者下。論云。成壞善巧。增長善巧。非名能知爲方便也。此五方便。地地皆具。而其隨相分別。初一在於解行位中。得在初地。增上在於二地已上。不退在於八地已上。盡至十地。

疏第二得方便。得謂證入。攝次三句。曲有三種方便。一。相果者。卽欲入方便。是方便智。帶相觀終。故名相果。二。得修者。已入方便。卽根本智。顯是證修。非緣修故。三。勝進方便。卽後得智。謂信等成地之法。離障清淨故。

疏第三增上方便。進修後位。故名增上。亦攝三句。一地地轉行者。依前起後地。背相捨故。二。二執名非處。三。空爲住處。亦是相應不相應也。三。以後勝前。增長善巧。名殊勝智。鈔第三增上方便。亦成德殊勝。故行修不頓。初中後別。故有三句。餘句可知。

疏第四不退轉方便。唯第九句。前三方便無退息故。

疏第五盡至方便。卽第十句。淨治菩薩地盡轉至佛智地故。

疏若以相等攝五方便。初一是相。二具於三。如次三句配相得果。第二唯果。第四總明三事不退。五通明二因窮入果。若攝十句。初二爲相。第四是得。次四是果。後二具三。

佛子。菩薩如是善知地相。始於初地起行不斷。如是乃至入第十地。無有斷絕。由此諸地。智光明故。成於如來智慧光明。

疏第三佛子下行。第四由此下到。並可知。

佛子。譬如商王。善知方便。欲將諸商人。往詣大城。未發之時。先問道中功德。過失及住止之處。安危可不。

然後具道資糧作所應作。佛子。彼大商王。雖未發足。能知道中所有一切步危之事。善以智慧籌量觀察。備其所須。令無乏少。將諸商衆。乃至安隱。到彼大城。身及衆人。悉免憂患。

疏第二喻中。初喻前問有二方便。一不迷方便。道中喻行因。任止喻得地。各有障治。故曰安危。二資具方便。具資糧故。不迷多約利他。資具多明自利。次佛子。彼大下喻知。三善以下喻行。四乃至下喻。到行中語畧。故云乃至。

佛子。菩薩商王亦復如是。任於初地。善知諸地障對。治乃至善知一切菩薩地清淨。轉入如來地。然後乃具福智資糧。將一切衆生。經生死曠野險難之處。安隱得至薩婆若城。身及衆生。不經患難。

疏第二合中。初合知。然後下合行。安隱下合到。喻中畧行。此中畧問。欲影顯耳。

是故菩薩常應匪懈。勤修諸地殊勝淨業。乃至趣入如來智地。

疏第四是故菩薩下。結勸可知。

佛子。是名畧說菩薩摩訶薩。入菩薩初地門。廣說則有無量無邊。百千阿僧祇差別事。

一異述
善處師錄卷之六
疏第二佛子下。總結地相。行修已竟。故於此結。前說分齊深故。說其一分。此中廣故。說所不盡。佛子。菩薩摩訶薩。住此初地。多作閻浮提王。豪貴自在。常護正法。

疏第三攝報果利益勝中分二。先明在家果。後是菩薩若欲下。出家果。前中復二。初上勝身。顯其報勝。後能以大施下。明上勝果。顯其行勝。今初閻浮提王者。卽鐵輪王。然瓔珞仁王地前四位。已配四輪。今在初地。方作鐵輪。正明皆寄。不可定執。常護正法。應是行勝。如何論王將屬身勝。護法有二。

一護國正法。則賞罰以宜。二護佛正法教理等。興建擯斥。論依初義。

能以大施。攝取衆生。善除衆生慳貪之垢。常行大施。無有窮盡。布施慶語利益同事。

疏二上勝果者。依前王報起於勝行。是身之果。於中二。初行後願。前中亦二。一大悲利他。謂若施若攝。鈔初行後願者。行亦自分。願亦勝進。謂若施者。布施本通二利。今從利他邊說。問四攝之初。已有布施。何須別說。答有四意故。一布施本是自利。今菩薩行。令物做之。以捨慳貪。故是利他。攝中

布施。一向利他。二布施直論布施。四攝中施。乃是攝緣。三布施通於三施。四攝唯約財施。法施乃屬慶語中故。四此地正是布施位故。所以別說經中。先明徧施。後常行下常施。

如是一切諸所作業。皆不離念佛。不離念法。不離念僧。不離念同行菩薩。不離念菩薩行。不離念諸波羅蜜。不離念諸地。不離念力。不離念無畏。不離念不共佛法。乃至不離念具足一切種一切智智。

疏二如是一切下。不失自利。正作利他業時。卽不離念佛等故。謂利他事中。迴向菩提故。成大恭敬

事。不生分別故。除諸妄想。順理合體。故云不離。

鈔謂利他下。二引論釋。論云言不離者。示現不離自利益故。如是諸念事中。行已成大恭敬。除諸妄想。釋曰。以論難了。故以疏間釋。成大恭敬。卽所念佛等。除諸妄想。正是念義。是則前明自利之施。令物除慳。今明利他之行。不失自利。是爲菩薩修行善巧。

疏所念有十一。論分爲四。一初三是上念三寶。在已上故。不離三輪故。次一是同法念。次三功德念。一自身他身菩薩行。二度行自體。三諸地轉勝故。

後四求義念佛。以力等是真實究竟義故。已所求故。鈔所念有十下。第二釋文。此之十念。亦卽六念。初三念同。四亦念僧。菩薩僧故。次三功德念。卽是施戒。六念中畧但舉其二。今文廣故。備於諸度。後四求義念。卽是念天。第一義天故。

復作是念。我當於一切衆生中。爲首爲勝。爲殊勝。爲妙。爲微妙。爲上。爲無上。爲導。爲將。爲帥。乃至爲一切智智。依止者。

疏二復作下。明願有十一句。前七自德。後四攝化。前中此云殊勝。論經名大。餘名並同。首唯是總。謂

大菩提位尊高故。妙等唯別。勝大亦總。亦別故。首有二種。一勝首。光明功德故。二殊勝首。獨無二故。勝亦二種。一妙智。自在勝故。二微妙。離一切煩惱。自在勝故。殊勝亦二。一上無與等故。二無上無能過故。後四中。初一約教。謂尊者。於阿含中分別法義。正說故。餘三顯證。將者。令他得證。義滅諸煩惱故。此約斷德。後二約智。前因後果。師者。教令入正道故。後句以大菩提而教化故。鈔光明功德者。行體清淨。離垢障故。分別法義者。以詞及辯。分別法義。二無礙也。

是菩薩若欲捨家。於佛法中。勤行精進。便能捨家。妻子五欲。依如來教。出家學道。

疏第二出家果中二初捨俗出家。

既出家已。勤行精進。於一念頃。得百三昧。得見百佛。知百佛神力。能動百佛世界。能過百佛世界。能照百佛世界。能教化百世界衆生。能住壽百劫。能知前後際。各百劫事。能入百法門。能示現百身。於一一身。能示百菩薩。以爲眷屬。

疏後既出家下。修行尅證禪定勝業。勝業有二。一者三昧勝。卽勝定體。二三昧所作勝。謂因三昧。得

見佛等。有十一句。明其二利。分爲三對。初六句橫論二利。初二自利。一見百佛者。十方各十他受用身。瑜伽住品。能於種種國。見百如來。寄位顯百。理實如前。見多佛也。二知神力。論意取神力所加說法菩薩。於上二處。修習智慧。次四利他。初一有信機者。動利現通。次三有悟機者。往利光照。正授以法。次有二句。豎論二利。一自攝勝生。瑜伽云。若欲留命。能住百劫。二三明窮照。示物善惡。後三句一對明二利速疾。一爲增長自智。思惟種種法門。二分身速疾。作多利益故。鈔修行尅證者。謂依四

禪及四空定。發百三昧故。論云。一念百三昧者。得三昧自在力故。論意等者。論云。以得三昧故。於十方諸佛及佛所加諸菩薩所。修習智慧故。釋曰。如金剛藏菩薩爲諸菩薩說十地等。次三有悟機者。一往刹。二光照。三正授以法。

若以菩薩殊勝願力自在示現。過於是數。百劫千劫百千劫。乃至百千億那由他劫。不能數知。

疏第四願智果。正願久積。以智內證。故其自在示現。難可窮究。則顯上來百數。彰地階差。非定爾也。今行合法界。是圓融實德。故云過此。鈔是圓融

實德者。釋經復過是數。是數卽前出家果中百三昧等。論經此中文廣。經云。菩薩願力。示現過於諸數。示種種神通。或身或光明。或神通。或眼或境界。或音聲。或行或莊嚴。或加或信或業。是諸神通。乃至無量百千萬億那由他劫。不可數知。論釋云。於中身者。是一切菩薩行根本所依。故依彼身故。有光明及神通。依光明有天眼。以有天眼。見前境界。一切眼有五種。應知。依神通有音聲。及行莊嚴。加等音聲者。應彼言說。故行是徧。至十方故。莊嚴者。作種種應現。故加者神力。加被故。信者依三昧門。

現神通力隨衆生信利益成就故。業者依慧眼所攝陀羅尼門現說法故。

疏論後結云畧說諸地各有因體果相者。以此地中相及得果類後九地也。因卽是相。體卽是得。果名不殊。應知此三通於下九。所以於此結者。顯上廣說不出此故。鈔畧說一切諸地各有因體果相應。釋曰。後總結因體果相。疏已具釋。以前經論並皆易見。例前百身百三昧等。故疏不顯。

爾時金剛藏菩薩欲重宣其義而說頌言。

若人集衆善。具足白淨法。供養天人尊。隨順慈悲道。

信解極廣大。志樂亦清淨。爲求佛智慧。發此無上心。
疏第二應頌四十六偈半。分爲二別。初正頌前後二結說前中分四。初十一偈。頌初任分於中四。初二頌依何身。

淨一切智力。及以無所畏。成就諸佛法。救攝羣生衆。爲得大慈悲。及轉勝法輪。嚴淨佛國土。發此最勝心。一念知三世。而無有分別。種種時不同。以示於世間。畧說求諸佛。一切勝功德。發生廣大心。量等虛空界。疏次四頌爲何義。

悲先慧爲王。方便共相應。信解清淨心。如來無量力。

無礙智現前。自悟不由他。具足同如來。發此最勝心。
疏次二頌以何因。

佛子始發生。如是妙寶心。則超凡夫位。入佛所行處。
生空如來家。種族無瑕玷。與佛共平等。決成無上覺。
纔生如是心。卽得入初地。志樂不可動。譬如大天王。
疏後三頌有何相。

多喜多愛樂。亦復多淨信。極大勇猛心。及以慶躍心。
遠離於鬪諍。惱害及瞋恚。慚敬而質直。善守護諸根。
救世無等者。所有衆智慧。

疏第二五偈頌釋名分。初二偈半。頌喜相。

此處我當得。憶念生歡喜。

疏餘頌喜因。於中先半偈。頌念當得。

始得入初地。卽超五怖畏。不活死惡名。惡趣衆威德。
以不貪著我。及以於我所。是諸佛子等。遠離諸怖畏。
疏後二頌念現得。

常行大慈愍。恒有信恭敬。慚愧功德備。日夜增善法。
樂法真實利。不愛受諸欲。

疏第三有六頌頌安住地分。初一頌半。頌信心成。
就。

思惟所聞法。遠離取著行。不貪於利養。唯樂佛菩提。

一心求佛智專精無異念。
疏次一頌半。修行成就。

修行波羅蜜。遠離誚虛誑。如說而修行。安在實語中。
不汙諸佛家。不捨菩薩戒。不樂於世事。常利益世間。
修善無厭足。轉求增勝道。如是好樂法。功德義相應。
疏後三頌迴向成就。

恒起大願心。願見於諸佛。護持諸佛法。攝取大仙道。
常生如是願。修行最勝行。成熟諸羣生。嚴淨佛國土。
一切諸佛利。佛子悉充滿。平等共一心。所作皆不空。
一切毛端處。一時成正覺。如是等大願。無量無邊際。
虛空與衆生。法界及涅槃。世間佛出興。佛智心境界。
如來智所入。及以三轉盡。彼諸若有盡。我願方始盡。
如彼無盡期。我願亦復然。

疏第四恒起下二十二偈半。頌较量勝分。於中二
初六頌半。頌願较量。

如是發大願。心柔軟調順。能信佛功德。觀察於衆生。
知從因緣起。則興慈念心。如是苦衆生。我今應救脫。
爲是衆生故。而行種種施。王位及珍寶。乃至象馬車。
頭目與手足。乃至身血肉。一切皆能捨。心得無憂悔。
求種種經書。其心無厭倦。善解其義趣。能隨世所行。

慚愧自莊嚴修行轉堅固供養無量佛恭敬而尊重
疏次六頌行校量。

如是常修習日夜無懈倦善根轉明淨如火鍊真金
菩薩在於此淨修於十地所作無障礙具足不斷絕

疏後十頌果校量於中初二調柔果。

譬如大商王為利諸商眾問諸道險易安隱至大城
菩薩任初地應知亦如是勇猛無障礙到於第十地

疏次二發趣果。

在此初地中作大功德王以法化眾生慈心無損害
統領閻浮地化行靡不及皆令任大捨成就佛智慧

欲求最勝道捨已國王位能於佛教中勇猛勤修習
則得百三昧及見百諸佛震動百世界光照行亦爾
化百土眾生入於百法門能知百劫事示現於百身
及現百菩薩以為其眷屬。

疏次五頌半攝果報。

若自在願力過是數無量。

疏後半偈頌願智果。

我於地義中畧述其少分若欲廣分別億劫不能盡
菩薩最勝道利益諸羣生如是初地法我今已說竟
疏結說可知初地竟。

佛弟子宋明聰 馬明弟 殷明受 戴如廣

凌文科 張翼軫 顧氏 沈明安 張書銘

計氏 隍慶壽 沈國祥 應夢鵬 陳良策

黃象賢 比丘廣曙 各三錢 沈敬山 五錢

以上比丘明句領募 天寧比丘海霽德全 各三錢

明時 二錢 通岐智汪 各一錢 以上石肯智如募

大方廣佛華嚴經疏鈔卷三十四之六 終



工ノ冊七

22